

চক্ৰবাক

চক্ৰবাক
কাজী নজুরুল ইসলাম

প্রথম মুদ্রণ : চৈত্র ১৪০৩ / এপ্রিল ১৯৯৭
দ্বিতীয় মুদ্রণ : মাঘ ১৪১৭ / জানুয়ারি ২০১১
তৃতীয় মুদ্রণ : মাঘ ১৪২০ / ফেব্রুয়ারি ২০১৪

প্রকাশক
নজুরুল ইস্টার্ন ইন্সিটিউট
কবিভবন
বাড়ি ৩৩০-বি, রোড ২৮ (পুরাতন)
ভাষাশৈলিক বিচারপতি আবদুর রহমান চৌধুরী সড়ক
ধানমন্ডি আবাসিক এলাকা, ঢাকা ১২০৯

প্রচন্দশিল্পী
মামুন কায়সার

মুদ্রক
রেডিয়োট প্রিন্টিং অ্যান্ড প্যাকেজিং
২৭, নৈলক্ষ্মেত, বাবুপুরা, ঢাকা ১২০৭

মূল্য
পঞ্চাশ টাকা মাত্র

CHAKRABAK by Kazi Nazrul Islam. Published by Nazrul Institute,
Kabi Bhaban, House 330-B, Road 28 (Old), Dhanmondi Residential
Area, Dhaka 1209, Bangladesh.

Price
Taka 50.00 / US \$ 3.00

ISBN 984-555-141-6



নজুরুল ইস্টার্ন ইন্সিটিউট

উত্সর্গ

বিরাট-প্রাণ, কবি, দরদী—
প্রিপিপাল শ্রীযুক্ত সুরেন্দ্রনাথ মৈত্রী
শ্রীচরণারবিন্দেশু

দেখিয়াছি হিমালয়, করিনি প্রণাম,
দেবতা দেখিনি, দেখিয়াছি স্বর্গধাম।...
সেদিন প্রথম যবে দেখিনু তোমারে,
হে বিরাট, মহাপ্রাণ, কেন বারে বারে
মনে হ'ল এতদিনে দেখিনু দেবতা !
চোখ পুঁরে এল জল, বুক পুঁরে কথা।
ঠেকিল ললাটে কর আপনি বিশ্ময়ে,
নব লোকে দেখা যেন নব পরিচয়ে।

কোথা যেন দেখেছিনু কবে কোন্ লোকে,
সে সৃতি দেখিনু তব অঙ্গসিঙ্গ চোখে।
চলিতে চলিতে পথে দূর পথচারী
আসিলাম তব দ্বারে, বাহু আগুসারি
তুমি নিলো বক্ষে টানি', কহ নাই কথা,
না কহিতে বুঝেছিলে তিখারীর ব্যথা।
মুছায়ে পথের ধূলি অফুরণ শেহে—
নিন্দা-গ্লানি-কলকের কাটা-ক্ষত দেহে
বুলাইলে ব্যথা-হরা স্নিফ্ফ শান্ত কর,
দেখিনু দেবতা আছে আজো ধরা 'পর।
নৃতন করিয়া ভালোবাসিনু মানবে,
যাহারা দিয়াছে ব্যথা তাহাদের স্তবে
ভরিয়া উঠিল বুকে, গাহি নব গান !
ভুলি নাই, হে উদার, তব সেই দান !
উড়ে এসেছিনু ভঁঘপক্ষ চক্রবাক
তব শুভ্র বালুচরে, আবার নির্বাক
উড়িয়া গিয়াছি কবে, আজো তার সৃতি
হয়ত জাগিবে মনে শুনি' মোর গীতি !

শায়ক বিঁধিয়া বুকে উড়িয়া বেড়াই
চর হ'তে আন-চরে, সেই গান গাই !...

ভালোবেসেছিলে মোরে, মোর কঢ়ে গান,
সে গান তোমারি পায়ে তাই দিনু দান !

তৃতীয় মুদ্রণের প্রসঙ্গ-কথা

জাতীয় কবি কাজী নজরুল ইসলামের ‘চক্রবাক’-এর প্রথম মুদ্রণের ‘প্রসঙ্গ-কথা’-য়ে প্রাক্তন নির্বাহী পরিচালক কবি মুহম্মদ নূরুল হুদা যা বলেছেন তা পুনরাবৃত্তি করা নিষ্পত্তিযোজন। তিনি যথার্থই বলেছেন কবিকে নিয়ে, তাঁর সৃষ্টি নিয়ে যথেষ্ট যথেচ্ছাচার হয়েছে, তা নিষ্পত্তি হওয়া জরুরী।

এই লক্ষেই নজরুল ইস্টিউট থেকে প্রকাশিত নজরুলের ‘চক্রবাক’ কাব্যগ্রন্থের তৃতীয় মুদ্রণ প্রকাশ করা হলো। এ-মুদ্রণেও যদি কিছু ভুল-ভাত্তি থাকে, তাহলে পূর্বেই মার্জনা প্রার্থনা করছি। পাঠকদের হাতে তৃতীয় মুদ্রণ তুলে দিতে পেরে ইস্টিউট যথার্থই গৌরব বোধ করছে।

এই কাব্যগ্রন্থ প্রকাশে যাঁরা বিভিন্নভাবে সহযোগিতা করেছেন, তাঁদের সবার প্রতি আন্তরিক ধন্যবাদ ও কৃতজ্ঞতা।

রশীদ হায়দার
নির্বাহী পরিচালক
নজরুল ইস্টিউট

দ্বিতীয় মুদ্রণের প্রসঙ্গ-কথা

জাতীয় কবি কাজী নজরুল ইসলামের ‘চক্রবাক’-এর দ্বিতীয় মুদ্রণ প্রকাশ করতে পেরে ইস্টিউট শুধু অনুভব করছে।

লক্ষণীয়, জাতীয় কবির সমগ্র সৃষ্টির প্রতি আমাদের অগ্রহ আগের তুলনায় অনেক বৃদ্ধি পেয়েছে। এটি আনন্দের বিষয়। আরো লক্ষণীয়, কাজী নজরুল ইসলামের মতো শিল্প-সাহিত্য স্রষ্টা বাংলা ভাষার গৌরব বৃদ্ধি করার জন্যে বিভিন্ন ভাষার শব্দাবলী অবলীলায় ব্যবহার করেছেন; আমাদের শব্দ ভাষার সমৃদ্ধি করেছেন। এই বিরল কৃতিত্ব আমাদের জন্যে এক অফুরন্ত প্রেরণার উৎস।

ইস্টিউট আশা করে, নজরুলের শুধু কাব্যগ্রন্থ নয়, সমস্ত রচনাই দেশবাসীর নিকট পৌছুবে, পঠিত হবে ঘরে-ঘরে। কারণ, জাতীয় কবি খণ্ডিতভাবে নয়, সামগ্রিকভাবেই আদৃত হোক প্রজন্ম থেকে প্রজন্মান্তরে।

দ্বিতীয় মুদ্রণের ব্যাপারে সংশ্লিষ্ট সবাইকে আন্তরিক ধন্যবাদ জানাই।

রশীদ হায়দার
নির্বাহী পরিচালক
নজরুল ইস্টিউট

প্রথম মুদ্রণের প্রসঙ্গ-কথা

জাতীয় কবি কাজী নজরুল ইসলাম বাঙালি মনীষার এক মহত্তম বিকাশ, বাঙালির সৃষ্টিশীলতার এক তুঙ্গীয় নির্দশন। সাহিত্য ও সঙ্গীতের প্রায় সর্বাঞ্চলে তাঁর দৃঢ় পদচারণা। নজরুল তাঁর বহুমাত্রিক প্রতিভার স্পর্শে বাংলা সাহিত্য-সঙ্গীতে যুক্ত করেছেন যুগ-মাত্রা।

নজরুলের অন্যান্য কাব্যগ্রন্থের মতো ‘চক্রবাক’-এর বহু সংস্করণ প্রকাশিত হয়েছে। তবে সব সংস্করণই নির্ভরযোগ্য নয়, এমনকি সহজলভ্যও নয়। কপিরাইট আইনের তোয়াক্তা না করে বিভিন্ন প্রকাশক কবির অনেক কাব্যগ্রন্থ ও অন্যান্য বই প্রকাশ করেছেন। এ-সব থেকে মুদ্রণ-বিভাট ছাড়াও রচনার বিকৃতি ঘটেছে। এ পটভূমিতে জাতীয় কবি কাজী নজরুল ইসলামের প্রতিটি গ্রন্থের নির্ভরযোগ্য ও সুলভ সংস্করণ প্রকাশের প্রয়োজনীয়তা গভীরভাবে অনুভূত হয়। কপিরাইট আইন অনুযায়ী ও কবির উত্তরাধিকারীদের সঙ্গে স্বাক্ষরিত চুক্তি মোতাবেক নজরুল ইস্টার্ন ক্রমান্বয়ে নজরুলের প্রতিটি গ্রন্থের নবতর সংস্করণ প্রকাশের উদ্যোগ গ্রহণ করেছে। এই উদ্যোগ ও প্রচেষ্টার ফলেই ‘চক্রবাক’-এর নতুন সংস্করণ প্রকাশিত হলো।

শত চেষ্টা থাকা সত্ত্বেও অনিচ্ছাকৃত কিছু মুদ্রণ-ক্রটি রয়ে গেল। এজন্য আন্তরিকভাবে দুঃখ প্রকাশ করছি।

য়ারা বিভিন্ন দিক থেকে আমাদের এ গ্রন্থ প্রকাশে সহায়তা দিয়েছেন, তাঁদের সবাইকে জানাই আন্তরিক ধন্যবাদ ও কৃতজ্ঞতা।

মুহম্মদ নূরুল হুদা
নির্বাহী পরিচালক

সূচিপত্র

[ওগো ও চক্ৰবাকী]	১১
তোমারে পঢ়িছে মনে	১৪
বাদল-রাতের পাখি	১৬
স্তন্ধরাতে	১৮
বাতায়ন-পাশে গুবাক-তরুর সারি	২১
কৰ্ণফুলী	২৫
শীতের সিঙ্গ	২৯
পথচারী	৩৫
মিলন-মোহনায়	৩৮
গানের আড়াল	৪০
ভীরু	৪২
এ মোৰ অহঙ্কার	৪৫
তুমি মোৰে ভুলিয়াছ	৪৮
হিংসাতুৱ	৫৮
বৰ্ষা-বিদায়	৬১
সাজিয়াছি বৰ মৃত্যুৱ উৎসবে	৬৩
অপৱাধ শুধু মনে থাক	৬৬
আড়াল	৬৮
নদীপারের মেয়ে	৭১
১৪০০ সাল	৭২
চক্ৰবাক	৭৭
কুহেলিকা	৭৯
 ঞ্চ ও রচনা পরিচিতি	 ৮১

[ওগো ও চক্ৰবাকী]

—ওগো ও চক্ৰবাকী,

তোমারে খুঁজিয়া অন্ধ হ'ল যে চক্ৰবাকের আঁখি !
 কোথা কোন্ লোকে কোন্ নদীপারে রহিলে গো তা'রে ভুলে ?
 হেথা সাথী তব ডেকে ডেকে ফেরে ধৰণীৰ কূলে কূলে।
 দিবসে ঘুমালে সব ভুঁলে যার পাখায় বাঁধিয়া পাখা,
 চঢ়ুতে যার আজিও তোমার চঢ়ুৰ চুমা আঁকা,
 “রোদ লাগে” ব'লে যার ডানাতলে লুকাইতে নানা ছলে,
 থাকিয়া থাকিয়া উঠিতে কাঁপিয়া তবু কেন পলে পলে;
 ভাদৱের পাৱা আদৱের ধাৱা যাচিয়া যাহার কাছে
 কাহার পিছনে ছায়াটিৰ মত ফিরিয়াছ পাছে পাছে,—
 আজ সে যে হায় কাঁদিয়া তোমায় দিকে দিকে খুঁজে মরে,
 ভীৱু মোৱ পাখি ! আঁধারে একাকী কোথা কোন্ বালুচৱে ?

সাড়া দেয় বন, শন্ শন্ শন্—ঐ শোনো মোৱ ডাকে,
 তচিনীৰ জল আঁখি ছলছল ফিরে চায় বাঁকে বাঁকে,
 ফিরায়ে আমার প্ৰতিধ্বনিনে সাঙ্গনা দেয় গিৰি,
 ও-পাৱেৱ তীৱে জিৱি জিৱি পাতা ঝুৱিতেছে ঝিৱি ঝিৱি।
 বিহগীৰ হায় ঘূম ভেঙে যায় বিহগ-পক্ষ-পুটে,
 বলে, “বিৱহী রে, মোৱ সুখ-নীড়ে আয় আয় আয় ছুটে !
 জুড়াইব ব্যথা, কাঁটা বিঁধে যথা সেথা দিব বুক পেতে,
 ঐ কাঁটা লয়ে বিবাগিনী হয়ে উড়ে যাব আকাশেতে !”
 ঠোঁট-ভৱা মধু আসে কুলবধু, বলে, “আঁধারেৰ পাখি,
 নিশীথ নিৰূম চোখে নাই ঘূম, কাৱে এত ডাকাডাকি ?

চল চৱতলে, এই অঞ্চলে দিব সুখ-শেজ পাতি’,
 ভুলেৱ কাননে ফুল তুলে মোৱা কাটাইব সারা রাতি !”
 অসীম আকাশ আসে মোৱ পাশ তাৱাৱ দীপালি জুলি’,

বলে, “পৱৰাসী ! কোথা কাঁদ আসি’? হেথা শুধু চোৱাবালি !

তোমার কাঁদনে আমাৱ আঙনে নিতে যায় তাৱা-বাতি,

তুমিও শূন্য আমিও শূন্য, এস মোৱা হব সাথী !”...

মানে না পৱান, গেয়ে গেয়ে গান কূলে কূলে ফিৱি ডাকি’,

কোথা কোন্ কূলে রহিলে গো ভুলে আমাৱ চক্ৰবাকী !

চাহি ও-পাৱেৱ তীৱে,

কভু না পোহায় বিৱহেৱ রাতি এতই দীৱঘ কি রে?

না মিটিতে সাধি বিধি সাধে বাদ, বিৱহেৱ যবনিকা

পঁড়ে যায় মাৰো, নিতে যায় সাঁৰো মিলনেৱ মৰ-শিখা ।

মিলনেৱ কূল ভেঙে ভেঙে যায় বিৱহেৱ স্বোত-বেগে,

অধৱেৱ হাসি বাসি হয়ে ওঠে নিশীথ-প্ৰভাতে জেগে !

একা নদীতীৱে গহন তিমিৱে আমি কাঁদি মনোদুখে,

হয়ত কোথায় বাঁধিয়া কুলায় তুমি ঘূম যাও সুখে ।

আমাদেৱ মাৰো বহিছে যে নদী এ-জীৱনে শুকাবে না,

কাটিবে এ নিশি, আসিবে প্ৰভাত,—যতেক অচেনা চেনা

আসিবে সবাই ; আসিবে না তুমি তব চিৱ-চেনা নীড়ে,

এ-পাৱেৱ ডাক ও-পাৱ ঘুৱিয়া এ-পাৱ আসিবে ফিৱে !

হয়ত জাগিয়া দেখিব প্ৰভাতে, আমাৱি আঁখিৰ আগে

তুমি যাচিতেছ নবীন সাথীৰ প্ৰেম নব অনুৱাগে ।

জানি গো আমাৱ কাটিবে না আৱ এই বিৱহেৱ নিশি,

খুঁজিবে বৃথাই আঁধারে তোমায় দশদিকে দশ দিশি ।

যখন প্ৰভাতে থাকিবে না আমি এই সে নদীৰ ধাৱে,

ক্লান্ত পাখায় উড়ে যাৰ দূৰ বিশ্বরণীৰ পাৱে,

খুঁজিতে আমায় এই কিনারায় আসিবে তখন তুমি—

খুঁজিবে সাগৱ-মৰ-প্রান্তৰ গিৱি দৱী বনভূমি ।

তাহারি আশায় রেখে যাই প্ৰিয়, বাৱা পালকেৱ সৃতি—

এই বালুচরে ব্যথিতের স্বরে আমার বিরহ-গীতি !

যদি পথ ভুঁলে আস এই কুলে কোনো দিন রাতে রানী,
প্রিয় ওগো প্রিয়, নিও তুলে নিও বারা এ পালকখানি ।

তোমারে পড়িছে মনে

তোমারে পড়িছে মনে
আজি নীপ-বালিকার ভীরু-শিহরণে,
যুথিকার অশু-সিঙ্গ ছলছল মুখে
কেতকী-বধুর অবগুর্ণিত ও বুকে—
তোমারে পড়িছে মনে ।

হয়ত তেমনি আজি দূর বাতায়নে ।

বিলিমিলি-তলে
ম্লান লুলিত অথগলে
চাহিয়া বসিয়া আছ একা,
বারে বারে মুছে যায় আঁখি-জল-লেখা ।

বারে বারে নিভে যায় শিয়রের বাতি,
তুমি জাগ, জাগে সাথে বরষার রাতি ।

সিঙ্গ-পক্ষ পাখি
তোমার চাঁপার ডালে বসিয়া একাকী
হয়ত তেমনি করিঁ ডাকিছে সাথীরে,
তুমি চাহি' আছ শুধু দূর শৈল-শিরে ॥

তোমার আঁখির ঘন নীলাঞ্জন-ছায়া
গগনে গগনে আজ ধরিয়াছে কায়া ।...

আমি হেথো রাচি গান নব নীপ-মালা—
অ্মরণ-পারের প্রিয়া, একান্তে নিরালা
অকারণে!—জানি আমি জানি
তোমারে পাব না আমি । এই গান এই মালাখানি
রহিবে তাদেরি কঠে—যাহাদেরে কভু
চাহি নাই, কুসুমে কাঁটার মত জড়ায়ে রহিল যারা তরু ।

বহে আজি দিশাহারা শ্রাবণের অশান্ত পবন
তারি মত ছুটে ফেরে দিকে দিকে উচাটন মন,
খুঁজে যায় মোর গীত-সুর
কোথা কোন্ বাতায়নে বসি' তুমি বিরহ-বিধুর ।

তোমার গগনে নেভে বারে বারে বিজলীর দীপ,
আমার অঙ্গে হেথো বিকশিয়া বঁরে যায় নীপ ।

তোমার গগনে ঘরে ধারা অবিরল,
আমার নয়নে হেথা জল নাই, বুকে ব্যথা করে টলমল।
আমার বেদনা আজি রূপ ধরি' শত গীত সুরে
নিখিল বিরহী-কঙ্গে—বিরহীনি—তব তরে ঝুরে!

এ-পারে ও-পারে মোরা, নাই নাই কুল!
তুমি দাও আঁখি-জল, আমি দিই ফুল।

বাদল-রাতের পাখি

বাদল-রাতের পাখি!

কবে পোহায়েছে বাদলের রাতি, তবে কেন থাকি' থাকি'
কাঁদিছ আজি ও "বউ কথা কও" শেফালির বনে একা,
শাওনে যাহারে পেলে না, তাঁরে কি ভাদরে পাইবে দেখা?...
তুমি কাঁদিয়াছ "বউ কথা কও" সে-কাঁদনে তব সাথে
ভাঙিয়া পড়েছে আকাশের মেঘ গহীন শাওন-রাতে।

বন্ধু, বরষা-রাতি

কেঁদেছে যে সাথে সে ছিল কেবল বর্ষা-রাতের সাথী!
আকাশের জল-ভারাতুর আঁখি আজি হাসি-উজ্জ্বল ;
তেরছ-চাহনি যাদু হানে আজ, ভাবে তনু ঢল ঢল !
কমল-দীঘিতে কমল-মুখীরা অধরে হিড়ুল মাখে,
আলুখালু বেশ—ভূমরে সোহাগে পর্ণ-আঁচলে ঢাকে।
শিউলি-তলায় কুড়াইতে ফুল আজিকে কিশোরী মেয়ে
অকারণ লাজে চমকিয়া ওঠে আপনার পানে চেয়ে।
শালুকের কুড়ি গুঁজিছে খোপায় আবেশে বিধুরা বধূ,
মুকুলি' পুস্প-কুমারীর ঠোঁটে ভরে পুস্পল মধু।

আজি আনন্দ-দিনে

পাবে কি বন্ধু বধূরে তোমার, হাসি দেখে লবে চিনে?
সরসীর তীরে আন্ত্রের বনে আজো যবে ওঠ ডাকি'
বাতায়নে কেহ বলে কি, "কে তুমি বাদল-রাতের পাখি!"
আজো বিনিদ্রি জাগে কি সে রাতি তার বন্ধুর লাগি'?
ভিন্ন-দেশী পাখি ! আজিও স্বপন ভাঙিল না হায় তব,
তাহার আকাশে আজ মেঘ নাই—উঠিয়াছে চাঁদ নব !

ত'রেছে শূন্য উপবন তার আজি নব ফুলে,
সে কি ফিরে চায় বাজিতেছে হায় বাঁশি যার নদীকূলে?
বাদল-রাতের পাখি !
উড়ে চল—যথা আজো বারে জল, নাহি ক' ফুলের ফাঁকি !

স্তুরাতে

থেমে আসে রজনীর গীত-কোলাহল ,
ওরে মোর সাথী আঁখি-জল ,
এইবার তুই নেমে আয়—
অতন্ত্র এ নয়ন-পাতায় !

আকাশে শিশির ঝরে, বনে ঝরে ফুল ,
রূপের পালক বেয়ে ঝরে এলোচুল ;
কোন্ এহে কে জড়ায়ে ধরিছে প্রিয়ায় ,
উক্তার মানিক ছিঁড়ে ঝরে পড়ে যায় ।

আঁখি-জল, তুই নেমে আয়—
বুক ছেড়ে নয়ন-পাতায় !...

ওরে সুখবাদী !
অশ্রুতে পেলিনে যারে, হাসিতে পাবি কি তার আদি?
আপনারে কতকাল দিবি আর ফাঁকি?
অন্তহীন শূন্যতারে কত আর রাখিবি রে কুয়াশায় ঢাকি'?
ভিখারী সাজিল যদি, কেন তবে দ্বারে
এসে এসে ফিরে যাস্ নিতি অঙ্ককারে?
পথ হ'তে আন্-পথ কেঁদে যাস্ ল'য়ে ভিক্ষা-রুলি ,
প্রসাদ যাচিস্ যার তারেই রহিলি শুধু ভুলি'?

সকলে জানিবে তোর ব্যথা ,
শুধু সে-ই জানিবে না কাঁটা-ভরা ক্ষত তোর কোথা'?
ওরে ভীরু, ওরে অভিমানী !
যাহারে সকল দিবি, তা'রে তুই দিলি শুধু বাণী ?

সুরের সুরায় মেতে কতটুকু কমিল রে মর্মদাহ তোর?
গানের গহীনে ডুবে' কতদিন লুকাইবি এই আঁখি-লোর?
কেবলি গাঁথিলি মালা, কার তরে কেহ নাহি জানে !

অকুলে ভাসায়ে দিস্, ভেসে যায় মালা শূন্য-পানে ।

সে-ই শুধু জানিল না, যার তরে এত মালা-গাঁথা,
জলে-ভরা আঁখি তোর, ঘুমে-ভরা তার আঁখি-পাতা,
কে জানে কাটিবে কি না আজিকার অঙ্গ এ নিশীথ,
হয় ত হবে না গাওয়া কাঁল তোর আধ-গাওয়া গীত,
হয় ত হবে না বলা, বাণীর বুদ্ধিদে যাহা ফোটে নিশিদিন !
সময় ফুরায়ে যায়—ঘনায়ে আসিল সন্ধ্যা কুহেলি-মলিন !
সময় ফুরায়ে যায়, চল্ এবে, বল্ আঁখি তুলি’—
ওগো প্রিয়, আমি যাই, এই লহ মোর ভিক্ষা-রুলি !
ফিরেছি সকল দ্বারে, শুধু তব ঠাঁই
ভিক্ষা-পাত্র লয়ে’ করে কভু আসি নাই ।

ভরেছে ভিক্ষার ঝুলি মানিকে মণিতে,
ভরে নাই চিত্ত মোর ! তাই শূন্য-চিত্তে
এসেছি বিবাগী আজি, ওগো রাজ-রানী,
চাহিতে আসি নি কিছু ! সঙ্কেচে অঞ্চল মুখে দিও না ক’ টানি’ ।
জানাতে এসেছি শুধু—অন্তর-আসনে
সব ঠাঁই ছেড়ে দিয়ে—যাহারে গোপনে
চঁলে গেছি বন-পথে একদা একাকী,
বুক-ভরা কথা লয়ে—জল-ভরা আঁখি ।
চাহি নি ক’ হাত পেতে তারে কোনোদিন,
বিলায়ে দিয়েছি তারে সব, ফিরে পেতে দিই নি ক’ খণ !

ওগো উদাসিনী,
তব সাথে নাহি চলে হাটে বিকি-কিনি ।
কারো প্রেম ঘরে টানে, কেহ অবহেলে
ভিখারী করিয়া দেয় বহু দূরে ঠেলে !
জানিতে আসি নি আমি, নিমেষের ভূলে

কখনো বসেছ কি না সেই নদী-কুলে,
যার ভাটি-টানে—
ভেসে যায় তরী মোর দূর শূন্য-পানে ।
চাহি না ত কোনো কিছু, তবু কেন রয়ে রয়ে ব্যথা করে বুক,
সুখ ফিরি ক’রে ফিরি, তবু নাহি সহা যায়
আজি আর এ-দুখের সুখ !...

আপনারে ছলিয়াছি, তোমারে ছলিনি কোনোদিন,
আমি যাই, তোমার আমার ব্যথা দিয়ে গেনু খণ ।

বাতায়ন-পাশে গুৰাক-তৰুৱ সাৰি

বিদায়, হে মোৱ বাতায়ন-পাশে নিশীথ জাগাৱ সাৰী !
ওগো বন্ধুৱা, পাঞ্চুৱ হয়ে এল বিদায়েৱ রাতি !
আজ হ'তে হ'ল বন্ধ আমাৱ জানালাৱ খিলিমিলি,
আজ হ'তে হ'ল বন্ধ মোদেৱ আলাপন নিৱিবিলি !...

অন্ত-আকাশ-অলিন্দে তাৱ শীৰ্ণ কপোল রাখি’
কাঁদিতেছে চাঁদ, “মুসাফিৰ জাগো, নিশি আৱ নাই বাকি” !
নিশীথনী যায় দূৱ বন-ছায়, তন্দ্রায় চুলুচুল,
ফিৱে ফিৱে চায়, দু’ হাতে জড়ায় আঁধাৱেৱ এলোচুল। —

চমকিয়া জাগি, ললাটে আমাৱ কাহাৱ নিশাস লাগে?
কে করে বীজন তণ্ড ললাটে, কে মোৱ শিয়াৱে জাগে?
জেগে দেখি, মোৱ বাতায়ন-পাশে জাগিছ স্বপনচাৱী
নিশীথ রাতেৱ বন্ধ আমাৱ গুৰাক-তৰুৱ সাৰি !

তোমাদেৱ আৱ আমাৱ আঁখিৱ পল্লব-কম্পানে
সারা রাত মোৱা কয়েছি যে কথা, বন্ধু, পড়িছে মনে !—
জাগিয়া একাকী জুলা ক'ৰে আঁখি আসিতে যখন জল,
তোমাদেৱ পাতা মনে হ'ত যেন সুশীতল কৱতল
আমাৱ প্ৰিয়াৱ !—তোমাৱ শাখাৱ পল্লবমৰ্মৱ
মনে হ'ত যেন তাৱিৰ কঢ়েৱ আবেদন সকাতৱ।
তোমাৱ পাতায় দেখেছি তাহাৱি আঁখিৱ কাজল-লেখা,
তোমাৱ দেহেৱই মতন দীঘল তাহাৱ দেহেৱ রেখা।
তব বিৰ্ বিৰ্ মিৰ্ মিৰ্ যেন তাৱিৰ কুষ্ঠিত বাণী,
তোমাৱ শাখায় ঝুলোনো তাৱিৰ শাড়িৱ আঁচলখানি।

—তোমাৱ পাখাৱ হাওয়া
তাৱিৰ অঙ্গুলি-পৱশেৱ মত নিবিড় আদৱ-ছাওয়া !

ভাৰিতে ভাৰিতে তুলিয়া পড়েছি ঘুমেৱ শ্রান্ত কোলে,
ঘুমায়ে স্বপন দেখেছি, — তোমাৱি সুনীল বালৱ দোলে
তেমনি আমাৱ শিথানেৱ পাশে। দেখেছি স্বপনে, তুমি
গোপনে আসিয়া গিয়াছ আমাৱ তণ্ড ললাটে চুমি’।
হয়ত স্বপনে বাড়ায়েছি হাত লইতে পৱশখানি,
বাতায়নে ঠেকিং ফিৱিয়া এসেছে, লইয়াছি লাজে টানি’।
বন্ধু, এখন কন্দ কৱিতে হইবে সে বাতায়ন !
ডাকে পথ, হাঁকে যাত্ৰীৱা, “কৱ বিদায়েৱ আয়োজন !”

—আজি বিদায়েৱ আগে
আমাৱে জানাতে তোমাৱে জানিতে কত কি যে সাধ জাগে !
মৰ্মেৱ বাণী শুনি তব, শুধু মুখেৱ ভাষায় কেন
জানিতে চায় ও বুকেৱ ভাষায়ে লোভাতুৱ মন হেন?
জানি — মুখে মুখে হৈবে না মোদেৱ কোনোদিন জানাজানি,
বুকে বুকে শুধু বাজাইবে বাণী বেদনার বীণাপাণি !

হয় ত তোমাৱে দেখিয়াছি, তুমি যাহা নও তাই ক'ৰে
ক্ষতি কি তোমাৱ, যদি গো আমাৱ তাতেই হৃদয় ভৱে?
সুন্দৱ যদি করে গো তোমাৱে আমাৱ আঁখিৱ জল,
হারা-মোত্তাজে লয়ে কাৰো প্ৰেম রচে যদি তাজ-ম'ল
—বল তাহে কাৰ ক্ষতি?
তোমাৱে লইয়া সাজাব না ঘৰ, সৃজিব অমৱবতী !...

হয় ত তোমাৱ শাখাৱ কখনো বসে নি আসিয়া শাখী,
তোমাৱ কুঞ্জে পত্ৰপুঞ্জে কোকিল ওঠে নি ডাকি’।
শুন্যেৱ পানে তুলিয়া ধৰিয়া পল্লব-আবেদন
জেগেছে নিশীথে জাগে নি ক' সাথে খুলি’ কেহ বাতায়ন।

—সব আগে আমি আসি’
তোমাৱে চাহিয়া জেগেছি নিশীথ, গিয়াছি গো ভালোবাসি !
তোমাৱ পাতায় লিখিলাম আমি প্ৰথম প্ৰণয়-লেখা

এইটুকু হোক সান্ত্বনা মোর, হোক বা না হোক দেখা।...

তোমাদের পানে চাহিয়া বসু, আর আমি জাগিব না।
কোলাহল করি' সারা দিনমান কারো ধ্যান ভঙ্গিব না।

—নিশ্চল নিশ্চুপ

আপনার মনে পুড়িব একাকী গন্ধবিধুর ধূপ।—

শুধাইতে নাই, তবুও শুধাই আজিকে যাবার আগে—
ঐ পল্লব-জাফরি খুলিয়া তুমিও কি অনুরাগে
দেখেছ আমারে—দেখিয়াছি যবে আমি বাতায়নে খুলি'?
হাওয়ায় না মোর অনুরাগে তব পাতা উঠিয়াছে দুলি'?
তোমার পাতার হরিৎ আঁচলে চাঁদনী ঘুমাবে যবে,
মৃচ্ছিতা হবে সুখের আবেশে,—সে আলোর উৎসবে
মনে কি পড়িবে এই ক্ষণিকের অতিথির কথা আর?
তোমার নিশাস শূন্য এ ঘরে করিবে কি হাহাকার?
চাঁদের আলোক বিশ্বাদ কি গো লাগিবে সেদিন চোখে?
খড়খড়ি খুলি' চেয়ে রঁবে দূর অন্ত অলখ-লোকে?—

—অথবা এমনি করি'

দাঁড়ায়ে রহিবে আপন ধেয়ানে সারা দিনমান ভরি'?

মলিন মাটির বন্ধনে বাঁধা হায় অসহায় তরু,
পদতলে ধূলি, উর্ধ্বে তোমার শূন্য গগন-মরু।
দিবসে পুড়িছ রৌদ্রের দাহে, নিশীথে ভিজিছ হিমে,
কাঁদিবারও নাই শকতি, মৃত্যু-আফিমে পড়িছ ঝিমে!
তোমার দুঃখ তোমারেই যদি, বসু, ব্যথা না হানে,
কি হবে রিঙ্গ চিন্ত ভরিয়া আমার ব্যথার দানে!...

* * *

ভুল ক'রে কভু আসিলে ঘরগে অমনি তা যেয়ো ভুলি'।
যদি ভুল ক'রে কখনো এ মোর বাতায়ন যায় খুলি,'

বন্ধ করিয়া দিও পুনঃ তায়!...তোমার জাফরি-ফাঁকে
খুঁজো না তাহারে গগন-আঁধারে—মাটিতে পেলে না যাকে!

କର୍ଣ୍ଣଫୁଲୀ

—ଓଗୋ ଓ କର୍ଣ୍ଣଫୁଲୀ,

ଉଜାଡ଼ କରିଯା ଦିନୁ ତବ ଜଳେ ଆମାର ଅଶ୍ରୁଙ୍ଗଳି ।
ଯେ ଲୋନା ଜଳେର ସିଙ୍ଗୁ-ସିକତେ ନିତି ତବ ଆନାଗୋନା,
ଆମାର ଅଶ୍ରୁ ଲାଗିବେ ନା ସଥି ତାର ଚେଯେ ବେଶି ଲୋନା !
ତୁମି ଶୁଧୁ ଜଳ କର ଟଳମଳ ; ନାହିଁ ତବ ପ୍ରୟୋଜନ
ଆମାର ଦୁଁଫେଟା ଅଶ୍ରୁଙ୍ଗଲେର ଏ ଗୋପନ ଆବେଦନ ।
ଯୁଗ ଯୁଗ ଧରି' ବାଡ଼ିଇୟା ବାହୁ ତବ ଦୁଁଧାରେର ତୀର
ଧରିତେ ଚାହିୟା ପାରେନି ଧରିତେ, ତବ ଜଳ-ମଞ୍ଜୀର
ବାଜାଇୟା ତୁମି ଓଗୋ ଗର୍ବିତା ଚଲିଯାଛ ନିଜ ପଥେ !
କୂଳେର ମାନୁଷ ଭେଦେ ଗେଲ କତ ତବ ଏ ଅକୂଳ ସ୍ନାତେ !
ତବ କୂଳେ ଯାରା ନିତି ରଚେ ନୀଡ଼ ତା'ରାଇ ପେଲ ନା କୂଳ,
ଦିଶା କି ତାହାର ପାବେ ଏ ଅତିଥି ଦୁଁଦିନେର ବୁଲବୁଲ !

—ବୁଝି ପିଯି ସବ ବୁଝି,

ତବୁ ତବ ଚରେ ଚଖା କେଂଦେ ମରେ ଚଖୀରେ ତାହାର ଖୁଜି' !

* * *

ତୁମି କି ପଞ୍ଚା, ହାରାନୋ ଗୋମତୀ, ଭୁଲେ-ଯାଓୟା ଭଗୀରଥୀ—
ତୁମି କି ଆମାର ବୁକେର ତଳାର ପ୍ରେସ୍‌ସୀ ଅଶ୍ରୁମତୀ?
ଦେଶ ଦେଶ ଘୁରେ ପେଯେଛି କି ଦେଖୋ ମିଲନେର ମୋହନାୟ,
ହୁଲେର ଅଶ୍ରୁ ନିଶ୍ଚେଷ ହଇୟା ଯଥାୟ ଫୁରାୟେ ଯାଯା?
ଓରେ ପାର୍ବତୀ ଉଦାସିନୀ, ବଳ୍ ଏ ଗୃହ-ହାରାରେ ବଳ୍,
ଏହି ପ୍ରୋତ ତୋର କୋନ୍ ପାହାଡ଼େର ହାଡ଼-ଗଲା ଅଁଥି-ଜଳ?
ବଜ୍ର ଯାହାରେ ବିଧିତେ ପାରେନି, ଉଡ଼ାତେ ପାରେନି ଝାଡ଼,
ଭୂମିକମ୍ପେ ଯେ ଟଳେନି, କରେନି ମହାକାଳେରେ ଯେ ଡର,
ସେଇ ପାହାଡ଼େର ପାଷାଣେର ତଳେ ଛିଲ ଏତ ଅଭିମାନ?
ଏତ କାଂଦେ ତବୁ ଶୁକାୟ ନା ତାର ଚୋଥେର ଜଳେର ବାନ?
ତୁଇ ନାରୀ, ତୁଇ ବୁଝିବି ନା ନଦୀ ପାଷାଣ ନରେର କ୍ଲେଶ,
ନାରୀ କାଂଦେ—ତାର ମେ ଅଁଥିଜଳେର ଆହେ ଏକଦିନ ଶେଷ ।
ପାଷାଣ ଫାଟିଯା ଯଦି କୋନୋଦିନ ଜଳେର ଉତ୍ସ ବହେ,

ସେ ଜଳେର ଧାରା ଶାଶ୍ଵତ ହୟେ ରହେ ରେ ଚିର-ବିରହେ !

ନାରୀର ଅଶ୍ରୁ ନଯନେର ଶୁଧୁ ; ପୁରୁଷେର ଅଁଥି-ଜଳ

ବାହିରାୟ ଗାଁଲେ ଅନ୍ତର ହତେ ଅନ୍ତରତମ ତଳ !

ଆକାଶେର ମତ ତୋମାଦେର ଚୋଥେ ସହସା ବାଦଳ ନେମେ'

ରୌଦ୍ରେର ତାତ ଫୁଟେ ଓଠେ ସଥି ନିମେଷେ ସେ ମେଘ ଥେମେ' !

* * *

—ଓଗୋ ଓ କର୍ଣ୍ଣଫୁଲୀ !

ତୋମାର ସଲିଲେ ପଡ଼େଛିଲ କବେ କାର କାନ-ଫୁଲ ଖୁଲି'?

ତୋମାର ପ୍ରାତେର ଉଜାନ ଠେଲିଯା କୋନ୍ ତରଙ୍ଗୀ କେ ଜାନେ,
“ସାମ୍ପାନ”-ନାୟେ ଫିରେଛିଲ ତାର ଦୟିତେର ସନ୍ଧାନେ?

ଆନମନା ତାର ଖୁଲେ ଗେଲ ଖୋପା, କାନ-ଫୁଲ ଗେଲ ଖୁଲି',
ସେ ଫୁଲ ଯତନେ ପରିଯା କରେ ହଲେ କି କର୍ଣ୍ଣଫୁଲୀ ?

ଯେ ଗିରି ଗଲିଯା ତୁମି ବଓ ନଦୀ, ସେଥା କି ଆଜିଓ ରହି'
କାଂଦିଛେ ବନ୍ଦୀ ଚିତ୍ରକୂଟେର ଯକ୍ଷେ ଚିର-ବିରହୀ?

ତବ ଏତ ଜଳ ଏକି ତାରି ସେଇ ମେଘଦୂତ-ଗଲା ବାଣି?

ତୁମି କି ଗୋ ତାର ପ୍ରିୟ-ବିରହେର ବିଧୁର ଘରଣଖାନି?

ଏ ପାହାଡ଼ କି ଶିରୀରେ ଶମରିଯା ଫାରେସେର ଫରହାଦ,
ଆଜିଓ ପାଥର କାଟିଯା କରିଛେ ଜିନ୍ଦେଗୀ ବରବାଦ?

ସାରା ଗିରି ହଙ୍ଗ ଶିରୀ-ମୁଖ ହାୟ, ପାହାଡ଼ ଗଲିଲ ପ୍ରେମେ,
ଗଲିଲ ନା ଶିରୀ ! ସେହି ବେଦନା କି ନଦୀ ହୟେ ଏଲେ ନେମେ?

ଏ ଗିରି-ଶିରେ ମଜ୍ଜନୁନ କି ଗୋ ଆଜିଓ ଦିଓୟାନା ହୟେ
ଲାଯଲିର ଲାଗି' ନିଶିଦିନ ଜାଗି' ଫିରିତେହେ ରୋଯେ ରୋଯେ ?

ପାହାଡ଼େର ବୁକ ବେଯେ ସେଇ ଜଳ ବିହିତେଛ ତୁମି କି ଗୋ?—
ଦୁଷ୍ଟେର ଖୋଜେ-ଆସା ତୁମି ଶକୁନ୍ତଳାର ମୃଗ?

ମହାଶ୍ଵେତା କି ବସିଯାଛେ ସେଥା ପୁଣ୍ଯାକ୍ରିଯାର ଧ୍ୟାନେ? —
ତୁମି କି ଚଲେଛ ତାହାରି ସେ ପ୍ରେମ ନିରଦେଶେର ପାନେ? —

ଯୁଗେ ଯୁଗେ ଆମି ହାରାଯେ ପ୍ରିୟାରେ ଧରଣୀର କୂଳେ କୂଳେ
କାଂଦିଯାଛି ଯତ, ସେ ଅଶ୍ରୁ କି ଗୋ ତୋମାତେ ଉଠେଛେ ଦୁଲେ?

* * *

—ওগো চির উদাসিনী !

তুমি শোনো শুধু তোমার নিজের বক্ষের রিণি রিণি ।
তব টানে ভেসে আসিল যে লঁয়ে ভাঙা “সাম্পান”-তরী,
চাহনি তাহার মুখ-পানে তুমি কখনো করুণা করিং ।
জোয়ারে সিন্ধু ঠেলে দেয় ফেলে তবু নিতি ভাটি-টানে
ফিরে ফিরে যাও মলিন বয়ানে সেই সিন্ধুরই পানে !
বন্ধু, হৃদয় এমনি অবুৰু কারো সে অধীন নয় !
যারে চায় শুধু তাহারেই চায়—নাহি মানে লাজ ভয় ।
বারে বারে যায় তারি দরজায়, বারে বারে ফিরে আসে !
যে আঙ্গনে পুঁড়ে মরে পতঙ্গ—ঘোরে সে তাহারি পাশে !

তব জলে আমি ডুবে মরি যদি, নহে তব অপরাধ,
তোমার সলিলে মরিব ডুবিয়া, আমারি সে চির-সাধ !
আপনার জুলা মিটাতে এসেছি তোমার শীতল তলে,
তোমারে বেদনা হনিতে আসিনি আমার চোখের জলে !
অপরাধ শুধু হৃদয়ের সখি, অপরাধ কারো নয় !
ডুবিতে যে আসে ডোবে সে একাই, তটিনী তেমনি বয় !

* * *

সারিয়া এসেছি আমার জীবনে কুলে ছিল যত কাজ,
এসেছি তোমার শীতল নিতলে জুড়াইতে তাই আজ !
ডাকনি ক' তুমি, আপনার ডাকে আপনি এসেছি আমি
যে বুকের ডাক শুনেছি শয়নে স্বপনে দিবস-যামী ।
হয়ত আমারে লয়ে অন্যের আজও প্রয়োজন আছে,
মোর প্রয়োজন ফুরাইয়া গেছে চিরতরে মোর কাছে !

—সে কবে বাঁচিতে চায়,
জীবনের সব প্রয়োজন যার জীবনে ফুরায়ে যায় !

জীবন ভরিয়া মিটায়েছি শুধু অপরের প্রয়োজন,
সবার খোরাক জোগায়ে নেহারি উপবাসী মোরই মন !
আপনার পানে ফিরে দেখি আজ—চলিয়া গেছে সময়,

যা’ হারাবার তা’ হারাইয়া গেছে, তাহা ফিরিবার নয় !
হারায়েছি সব, বাকি আছি আমি, শুধু সেইটুকু লয়ে
বাঁচিতে পারি না, যত চলি পথে তত উঠি বোৰা হয়ে !

বহিতে পারি না আর এই বোৰা, নামানু সে ভার হেথা ;
তোমার জলের লিখনে লিখিনু আমার গোপন ব্যথা !
ভয় নাই প্রিয়, নিমেষে মুছিয়া যাইবে এ জল-লেখা,
তুমি জল—হেথা দাগ কেটে কভু থাকে না কিছুরি রেখা !
আমার ব্যথায় শুকায়ে যাবে না তব জল কাঁল হ'তে,
ঘূর্ণবর্ত জাগিবে না তব অগাধ গভীর স্নাতে ।
হয়ত ঈষৎ উঠিবে দুলিয়া, তারপর উদাসিনী,
বহিয়া চলিবে তব পথে তুমি বাজাইয়া কিঞ্চিত্তী !
শুধু লীলাভরে তেমনি হয়ত ভাঙিয়া চলিবে কূল,
তুমি রঁবে, শুধু রঁবে না ক' আর এ গানের বুলুরুল !

তুষার-হৃদয় অকরুণা ওগো, বুবিয়াছি আমি আজি—
দেওলিয়া হয়ে কেন তব তীরে কাঁদে “সাম্পান”-মাবি !

শীতের সিন্ধু

ভুলি নাই পুন তাই আসিয়াছি ফিরে
ওগো বন্ধু, ওগো প্রিয়, তব সেই তীরে !
কূল-হারা কূলে তব নিমেষের লাগি’
খেলিতে আসিয়া হায় যে কবি বিবাগী
সকলি হারায়ে গেল তব বালুচরে,—
বিনুক কুড়াতে এসে—গেল আঁধি ভ’রে
তব লোনা জল লঁয়ে—তব স্নোত-টানে
আসিয়া যে গেল দূর নিরন্দেশ পানে !
ফিরে সে এসেছে আজ বহু বর্ষ পরে,
চিনিতে পার কি বন্ধু, মনে তাঁরে পড়ে ?

বর্ষার জোয়ারে যারে তব হিন্দোলায়
দোলাইয়া ফেলে দিলে দুরাশা-সীমায়,
ফিরিয়া সে আসিয়াছে তব ভাটি-মুখে,
টানিয়া লবে কি আজ তাঁরে তব বুকে ?
খেলিতে আসিনি বন্ধু, এসেছি এবার
দেখিতে তোমার রূপ বিরহ-বিথার।
সে-বার আসিয়াছিনু হঁয়ে কৃতৃহলী,
বলিতে আপনারে—দিনু আপনারে বলি।
কৃপণের সম আজ আসিয়াছি ফিরে
হারায়েছি মণি যথা সেই সিন্ধু-তীরে !
ফেরে না তা যা হারায়—মণি-হারা ফণী
তবু ফিরে ফিরে আসে ! বন্ধু গো, তেমনি
হয়ত এসেছি বৃথা চোরা বালুচরে !—
যে চিতা জুলিয়া,—যায় নিতে চিরতরে,

পোড়া মানুষের মন সে মহাশূশানে
তবু ঘুঁরে মরে কেন,—কেন যে কে জানে !
প্রভাতে ঢাকিয়া আসি’ কবরের তলে

তারি লাগি’ আধ-রাতে অভিসারে চলে
অবুর্ব মানুষ, হায় ! —ওগো উদাসীন,
সে বেদনা বুঝিবে না তুমি কোনোদিন !

হয়ত হারানো মণি ফিরে তারা পায়,
কিন্তু হায়, যে অভাগা হৃদয় হারায়
হারায় সে চিরতরে ! এ জনমে তার
দিশা নাহি মিলে, বন্ধু ! —তুমি পারাবার,
পারাপার নাহি তব, তোমার অতলে
যা ডোবে তা চিরতরে ডোবে আঁধিজলে !
জানিলে সাঁতার, বন্ধু, হইল ডুরুরী,
করিতাম কবে তব বক্ষ হ’তে চুরি
রত্নহার ! কিন্তু হায়, জিনে শুধু মালা
কি ইইবে বাড়াইয়া হৃদয়ের জুলা !
বন্ধু, তব রত্নহার মোর তরে নয়—
মালার সহিত যদি না মেলে হৃদয় !

হে উদাসী বন্ধু মোর, চির আত্মোলা,
আজ নাই বুকে তব বর্ষার হিন্দোলা !
শীতের কুহেলি-ঢাকা বিষণ্ণ বয়ানে
কিসের করণ মাখা ! কূলের সিথানে
এলায়ে শিথিল দেহ আছ একা শুয়ে,
বিশীর্ণ কপোল বালু-উপাধানে থুয়ে !
তোমার কলঙ্কী বঁধু চাঁদ ডুবে যায়
তেমনি উঠিয়া দূর গগন-সীমায়,
ছায়া এসে পড়ে তার তোমার মুকুরে,
কায়াইন মায়াবীর মায়া বুকে পুরে’

ফুঁলে ফুঁলে কূলে কূলে কাঁদ অভিমানে,
আছাড়ি’ তরঙ্গ-বাহু ব্যর্থ শূন্য পানে !
যে কলঙ্কী নিশিদিন ধায় শূন্য পথে—

সে দেখে না, কোথা, কোন্ বাতায়ন হ'তে,
কে তারে চাহিছে নিতি! সে খুঁজে বেড়ায়
বুকের প্রিয়ারে ত্যজি' পথের প্রিয়ায় !

ভয় নাই বদ্ধ ওগো, আসিনি জানিতে
অন্ত তব, পেতে ঠাই অঙ্গীন চিতে !
চাঁদ না সে চিতা জুলে তব উপকূলে—
কি হবে জানিয়া মোর? কার চিত্তমূলে
কে কবে ডুবিয়া হায়, পাইয়াছে তল?
এক ভাগ থল সেথা, তিন ভাগ জল !

এসেছি দেখিতে তারে সেদিন বর্ষায়
খেলিতে দেখেছি যারে উদাম লীলায়
বিচিত্র তরঙ্গ-ভঙ্গে! সেদিন শ্রাবণে
চলচল জল-চুড়ি-বলয়-কক্ষণে
শুনিয়াছি যে-সঙ্গীত, যায় তালে তালে
নেচেছে বিজলী মেঘে, শিথী নীপ-ডালে।
যার লোভে অতি দূর অস্তদেশ হ'তে
চুটে এসেছিনু এই উদয়ের পথে!—

ওগো মোর লীলা-সাথী অতীত বর্ষার
আজিকে শীতের রাতে নব অভিসার !
চঁলে গেছে আজি সেই বরষার মেঘ,
আকাশের চোখে নাই অশ্রু উদ্বেগ,
গরজে না গুরু গুরু গগনে সে বাজ,
উড়ে গেছে দূর বনে ময়ূরীরা আজ,
রোয়ে রোয়ে বহে না ক' পূর্বালী বাতাস,
শুসে না ঝাউয়ের শাখে সেই দীর্ঘশ্বাস,
নাই সেই চেয়ে-থাকা বাতায়ন খুলি'

সেই পথে—মেঘ যথা যায় পথ ভুলি'।
না মানিয়া কাজলের ছলনা নিষেধ
চোখ ছেপে জল বারা,—কপোলের ষেদ
মুছিবার ছলে অঁধি-জল মোছা সেই,
নেই বদ্ধ, আজি তার স্মৃতিও সে নেই!

থর থর কাঁপে আজ শীতের বাতাস,
সেদিন আশার ছিল যে দীরঘ-শ্বাস—
আজ তাহা নিরাশায় কেঁদে বলে, হায়,—
“ওরে মৃঢ়, যে যায় সে চিরতরে যায় !
যাহারে রাখিবি তুই অন্তরের তলে
সে যদি হারায় কভু সাগরের জলে
কে তাহারে ফিরে পায়? নাই, ওরে নাই,
অকূলের কূলে তারে খুঁজিস্বৃথাই?
যে-ফুল ফোটেনি ওরে তোর উপবনে
পূর্বালী হাওয়ার শ্বাসে বরষা-কাঁদনে,
সে ফুল ফুটিবে না রে আজ শীত-রাতে
দুঁফোঁটা শিশির আর অশ্রুজল-পাতে !”

আমার সান্ত্বনা নাই জানি বদ্ধ জানি,
শুনিতে এসেছি তবু—যদি কানাকানি
হয় তব কূলে কূলে আমার সে ডাক !
এ কূলে বিরহ-রাতে কাঁদে চক্রবাক,
ও-কূলে শোনে কি তাহা চক্রবাকী তার?
এ বিরহ একি শুধু বিরহ একার?
কৃহেলি-গুর্জন টানি' শীতের নিশীথে
ঘূমাও একাকী যবে, নিঃশব্দ সঙ্গীতে

ভ'রে ওঠে দশ দিক, সে নিশীথে জাগি'
ব্যথিয়া ওঠে না বুক কভু কারো লাগি'?
গুর্জন খুলিয়া কভু সেই আধ রাতে

ফিরিয়া চাহ না কত কুলে কল্পনাতে?
চাঁদ সে ত আকাশের, এই ধরা-কুলে
যে চাহে তোমায় তারে চাহ না কি ভুলে?

তব তীরে অগন্তের সম লঁয়ে তৃষ্ণা
বসে আছি, চলে যায় কত দিবা-নিশা !
যাহারে করিতে পারি চুমুকেতে পান
তার পদতলে বসি' গাহি শুধু গান !
জানি বঙ্গ, এ ধরার মৃৎপাত্রখানি
ভরিতে নারিল যাহা—তাঁরে আমি আনি'
ধরিব না এ অধরে ! এ মম হিয়ার
বিপুল শুন্যতা তাহে নহে ভরিবার !
আসিয়াছি কুলে আজ, কাল প্রাতে ঝাঁরে
কুল ছাড়ি চলে যাব দূরে বহুদূরে।

বল বঙ্গ, বল, জয় বেদনার জয় !
যে-বিরহে কুলে কুলে নাহি পরিচয়,
কেবলি অনন্ত জল অনন্ত বিচ্ছেদ,
হৃদয় কেবলি হানে হৃদয়ে নিষেধ ;
যে-বিরহে গ্রহ-তারা শূন্যে নিশিদিন
ঘূরে মরে ; গৃহবাসী হয়ে উদাসীন—
উক্তা-সম ছুটে যায় অসীমের পথে,
ছোটে নদী দিশাহারা গিরিচূড়া হঁতে ;
বারে বারে ফোটে ফুল কটক-শাখায়,
বারে বারে ছিঁড়ে যায়, তবু না ফুরায়
মালা-গাঁথা যে-বিরহে, যে-বিরহে জাগে
চকোরী আকাশে আর কুমুদী তড়াগে ;

তব বুকে লাগে নিতি জোয়ারের টান,
যে-বিষ পিইয়া কঢ়ে ফুটে ওঠে গান—
বঙ্গ, তার জয় হোক ! এই দুঃখ চাহি'

হয়ত আসিব পুন তব কূল বাহি'।
হেরিব নতুন রূপে তোমারে আবার,
গাহিব নতুন গান। নব অঞ্চলার
গাঁথিব গোপনে বসি'। নয়নের ঝারি
বোঝাই করিয়া দিব তব তীরে ডারি'।
হয়ত বসন্তে পুন তব তীরে তীরে
ফুটিবে মঙ্গরী নব শুক তরু-শিরে।
আসিবে নৃতন পাথি শুনাইতে গীতি,
আসিবে না শুধু একা তব এ অতিথি !

যে-দিন ও-বুকে তব শুকাইবে জল,
নিদারূণ রৌদ্র-দাহে ধূ ধূ মরুতল
পুড়িবে একাকী তুমি মরুদ্যান হঁয়ে
আসিব সেদিন বঙ্গ, মম প্রেম লঁয়ে !
আঁখির দিগন্তে মোর কুহেলি ঘনায়,
বিদায়ের বংশী বাজে, বঙ্গ গো বিদায় !

পথচারী

কে জানে কোথায় চলিয়াছি ভাই মুসাফির পথচারী,
দু'ধারে দু'কূল দুঃখ-সুখের—মাঝে আমি দ্রোত-বারি !
আপনার বেগে আপনি ছুটেছি জন্ম-শিখর হ'তে
বিরাম-বিহীন রাত্রি ও দিন পথ হ'তে আন্পথে ।
নিজ বাস হল চির-পরবাস, জন্মের ক্ষণগুলে
বাহিরিনু পথে গিরি-পর্বতে—ফিরি নাই আর ঘরে !
পলাতকা শিশু জন্মিয়াছিলু গিরি-কন্যার কোলে,
বুকে না ধরিতে চকিতে তুরিতে আসিলাম ছুটে চলে ।

জননীরে ভুলি' যে পথে পলায় মুগ-শিশু বাঁশি শুনি',
যে পথে পলায় শশকেরা শুনি' বার্ণার ঝুন্ঝুনি,
পাখি উড়ে যায় ফেলিয়া কুলায় সীমাহীন নভোপানে,
সাগর ছাড়িয়া মেঘের শিশুরা পলায় আকাশ-যানে,—
সেই পথ ধরি' পলাইনু আমি ! সেই হ'তে ছুটে চলি
গিরি দরী মাঠ পল্লীর বাট সোজা বাঁকা শত গলি ।

—কোন্ গ্রহ হ'তে ছিঁড়ি'

উক্কার মত ছুটেছি বাহিয়া সৌর-লোকের সিঁড়ি !
আমি ছুটে যাই জানি না কোথায়, ওরা মোর দুই তীরে
রচে নীড়, ভাবে উহাদেরি তরে এসেছি পাহাড় চিরে ।
উহাদের বধু কলস ভরিয়া নিয়ে যায় মোর বারি,
আমার গহনে গাহন করিয়া বলে সন্তাপ-হারী !
উহারা দেখিল কেবলি আমার সলিলের শীতলতা,
দেখে নাই—জুলে কত চিতাগ্নি মোর কূলে কূলে কোথা !

—হায়, কত হতভাগী—

আমিই কি জানি—মরিল ডুবিয়া আমার পরশ মাগি' !

বাজিয়াছে মোর তটে-তটে জানি ঘটে-ঘটে কিঙ্কিণী,
জল-তরঙ্গে বেজেছে বধুর রিনিকি বিনি ।
বাজায়েছে বেগু রাখাল-বালক তীর-তরুতলে বসি',
আমার সলিলে হেরিয়াছে মুখ দূর আকাশের শশী ।
জানি সব জানি, ওরা ডাকে মোরে দু'তীরে বিছায়ে শ্লেহ
দীঘি হতে ডাকে পদ্মমুখীরা, “ঘির হও বাঁধি’ গেহ !”

আমি বয়ে যাই—বয়ে যাই আমি কুলকুলু কুলকুলু,
শুনি না—কোথায় মোরই তীরে হায় পুরনারী দেয় উলু ।
সদাগর-জানী মণি-মাণিক্যে বোবাই করিয়া তরী
ভাসে মোর জলে,—“ছল ছল” বলে আমি দূরে যাই সরি' !
আঁকড়িয়া ধরে দু'তীর বৃথাই জড়ায়ে তন্ত্রলতা,
ওরা দেখে নাই আবর্ত মোর, মোর অন্তর-ব্যথা ।

লুকাইয়া আসে গোপনে নিশীথে কূলে মোর অভগিনী,
আমি বলি চল্ ছল্ ছল্ ওরে বধু তোরে চিনি !
কূল ছেড়ে আয় রে অভিসারিকা, মরণ-অকূলে ভাসি !
মোর তীরে-তীরে আজো খুঁজে ফিরে তোরে ঘরছাড়া বাঁশি ।

সে পড়ে বাঁপায়ে জলে,
আমি পথে ধাই—সে কবে হারায় স্মৃতির বালুকা-তলে !

জানি না ক' হায় চলেছি কোথায় অজানা আকর্ষণে,
চলেছি যতই তত সে অথই বাড়ে জল খনে খনে ।
সম্মুখ-টানে ধাই অবিরাম, নাই নাই অবসর,
ছুইতে হারাই—এই আছে নাই—এই ঘর এই পর !
ওরে চল্ চল্ ছল্ ছল্ কি হবে ফিরায়ে আঁখি?
তোরি তীরে ডাকে চক্রবাকেরে তোরি সে চক্রবাকী !

ওরা সন্ধ্যায় ঘরে ফিরে যায় কুলের কুলায়-বাসী,
ঁচল ভরিয়া কুড়ায়ে আমার কাদায়-ছিটানো হাসি ।
ওরা চলে যায়, আমি জাগি হায় লয়ে চিতাগ্নি শব,

ব্যথা-আবর্ত মোচড় খাইয়া বুকে করে কলরব !

ওরে বেনোজল, ছল্ ছল্ ছল্ ছুটে' চল্ ছুটে চল !
হেথা কাদাজল পঙ্কিল তোরে করিতেছে অবিরল ।
কোথা পাবি হেথা লোনা আঁখিজল, চল্ চল্ পথচারী !
করে প্রতীক্ষা তোর তরে লোনা সাত-সমুদ্র-বারি !

মিলন-মোহনায়

হায় হাবা মেয়ে, সব ভুলে গেলি দয়িতের কাছে এসে !
এত অভিমান এত ক্রন্দন সব গেল জলে ভেসে !
কূলে কূলে এত ফুঁলে ফুঁলে কাঁদা আছাড়ি' পিছাড়ি' তোর,
সব ভুলে গেলি যেই বুকে তোরে টেনে নিল মনোচোর !
সিন্ধুর বুকে লুকাইলি মুখ এমনি নিবিড় করে,
এমনি করিয়া হারাইলি তুই আপনারে চিরতরে—
যে দিকে তাকাই নাই তুই নাই ! তোর বন্ধুর বাহু
গাসিয়াছে তোরে বুকের পাঁজরে—ক্ষুধাতুর কাল রাহ !
বিরহের কূলে অভিমান যার এমন ফেনায় উঠে,
মিলনের মুখে সে ফিরে এমনি পদতলে পড়ে লুঁটে ?
এমনি করিয়া ভাঙিয়া পড়ে কি বুক-ভাঙা কাল্লায়,
বুকে বুক রেখে নিবিড় বাঁধনে পিষে গুঁড়ো হ'য়ে যায় ?
তোর বন্ধুর আঙুলের ছেঁওয়া এমনি কি যাদু জানে,
আবেশে গলিয়া অধর তুলিয়া ধরিলি অধর পানে !
একটি চুমায় মিটে গেল তোর সব সাধ সব ত্রুষা,
ছিন্ন লতার মতন মুরছি' পড়িলি হারায়ে দিশা !

—একটি চুমার লাগি'

এতদিন ধরে এত পথ বেয়ে এলি কি রে হতভাগী ?
গাঞ্জ-চিল আর সাগর-কপোত মাছ ধরিবার ছলে,
নিলাজী লো, তোর রঙ দেখিতে বাঁপ দিয়ে পড়ে জলে ।
দুঁধারের চর অবাক হইয়া চেয়ে আছে তোর মুখে,
সবার সামনে লুকাইলি মুখ কেমনে বিধুর বুকে ?
নীলিম আকাশ ঝুঁকিয়া পড়িয়া মেঘ-গুর্গন ফেলে
বৌ-বির মত উঁকি দিয়ে দেখে কুতুহলী-আঁখি মেলে ।

“সাম্পান”-মাঝি খুঁজে' ফেরে তোরে ভাটিয়ালী গানে কাঁদি',
খুঁজিয়া নাকাল দুঁধারের খাল—তোর হেরেমের বাঁদি !
হায় ভিখারিণী মেয়ে,

ভুলিলি সবারে, ভুলিলি আপনা দয়িতেরে বুকে পেয়ে!
 তোরি মত নদী আমি নিরবধি কাঁদি রে প্রীতম্ লাগি’,
 জন্ম-শিখর বাহিয়া চলেছি তাহারি মিলন মাগি’!
 যার তরে কাঁদি—ধার ক’রে তারি জোয়ারের লোনা জল
 তোর মত মোর জাগে না রে কভু সাধের কাঁদন-ছল।
 আমার অশ্রু একাকী আমার, হয়ত গোপনে রাতে
 কাঁদিয়া ভাসাই, ভেসে ভেসে যাই মিলনের মোহনাতে,
 আসিয়া সেখায় পুনঃ ফিরে যাই। —তোর মত সব ভুলে
 লুটায়ে পড়ি না—চাহে না যে মোরে তারি রাঙা পদমূলে!
 যারে চাই তা’রে কেবলি এড়ই কেবলি দি’ তারে ফাঁকি;
 সে যদি ভুলিয়া আঁখি পানে চায় ফিরাইয়া লই আঁখি!

—তার তীরে যবে আসি

অশ্রু-উৎসে পাষাণ চাপিয়া অকারণে শুধু হাসি !
 অভিমানে মোর আঁখিজল জমে করকা-বৃষ্টি সম,
 যারে চাই তারে আঘাত হানিয়া ফিরে যায় নির্মম !
 একা মোর প্রেম ছুটিবে কেবলি নিচু প্রাত্তর বেয়ে,
 সে কভু উর্ধ্বে আসিবে না উঠে আমার পরশ চেয়ে—
 চাহি না তাহারে ! বুকে চাপা আমার বুকের ব্যথা,
 যে বুক শূন্য নহে মোরে চাহি’—হব না ক’ভার সেখা !
 সে যদি না ডাকে কি হবে দুবিয়া ও-গভীর কালো নীরে,
 সে হটক সুর্থী, আমি রচে যাই স্মৃতি-তাজ তার তীরে !
 মোর বেদনার মুখে চাপিয়াছি নিতি যে পাষাণ-ভার
 তা দিয়ে রচিব পাষাণ-দেউল সে পাষাণ-দেবতার !

কত স্বোতধারা হারাইছে কূল তার জলে নিরবধি,
 আমি হারালাম বালুচরে তার, গোপন-ফল্লুনদী !

গানের আড়াল

তোমার কষ্টে রাখিয়া এসেছি মোর কষ্টের গান—
 এইটুকু শুধু র’বে পরিচয়? আর সব অবসান?
 অন্তর-তলে অন্তরত যে ব্যথা লুকায়ে রয়,
 গানের আড়ালে পাও নাই তার কোনদিন পরিচয়?

হয় তো কেবলি গাহিয়াছি গান, হয়ত কহিনি কথা,
 গানের বাণী সে শুধু কি বিলাস, মিছে তার আকুলতা?
 হৃদয়ে কখন জাগিল জোয়ার, তাহারি প্রতিধ্বনি
 কষ্টের তটে উঠেছে আমার অহরহ রণরণি’,—
 উপকূলে বসে শুনেছ সে সুর, বোৰা নাই তার মানে?
 বেঁধেনি হৃদয়ে সে সুর, দুলেছে দুল হয়ে শুধু কানে?

হায়, ভেবে নাই পাই—

যে চাঁদ জাগালো সাগরে জোয়ার, সেই চাঁদই শোনে নাই
 সাগরের সেই ফুঁলে ফুঁলে কাঁদা কূলে কূলে নিশিদিন?
 সুরের আড়ালে মূর্ছনা কাঁদে, শোনে নাই তাহা বীণ?
 আমার গানের মালার সুবাস ছুল না হৃদয়ে আসি’?
 আমার বুকের বাণী হ’ল শুধু তব কষ্টের ফাঁসি?

বন্ধু গো যেয়ো ভুলে—

প্রভাত যে হবে বাসি, সন্ধ্যায় রেখো না সে ফুল তুলে !
 উপবনে তব ফোটে যে গোলাপ —প্রভাতেই তুমি জাগি’
 জানি, তার কাছে যাও শুধু তার গন্ধ-সুষমা লাগি’।
 যে কাঁটা-লতায় ফুটেছে সে-ফুল রক্তে ফাটিয়া পড়ি’,
 সারা জনমের ক্রন্দন যার ফুটিয়াছে শাখা ভরি’—

দেখ নাই তারে ! —মিলন-মালার ফুল চাহিয়াছ তুমি,
 তুমি খেলিয়াছ বাজাইয়া মোর বেদনার ঝুঁমুঝুমি !

ভীরু

ভোলো মোর গান, কি হবে লইয়া এইটুকু পরিচয়,
আমি শুধু তব কঢ়ের হার, হৃদয়ের কেহ নয় !
জানায়ো আমারে, যদি আসে দিন, এইটুকু শুধু যাচি—
কঢ় পারায়ে হয়েছি তোর হৃদয়ের কাছাকাছি !

১

আমি জানি তুমি কেন চাহনা ক' ফিরে।
গৃহকোণ ছাড়ি আসিয়াছ আজ দেবতার মন্দিরে।
পুতুল লইয়া কাটিয়াছে বেলা
আপনারে ল'য়ে শুধু হেলা-ফেলা,
জানিতে না, আছে হৃদয়ের খেলা আকুল নয়ন-নীরে,
এত বড় দায় নয়নে নয়নে নিমেষের চাওয়া কি রে?
আমি জানি তুমি কেন চাহনাক ফিরে ॥

২

আমি জানি তুমি কেন চাহনা ক' ফিরে।
জানিতে না, আঁখি আঁখিতে হারায় ডুবে যায় বাণী ধীরে।
তুমি ছাড়া আর ছিলনাক কেহ,
ছিল না বাহির ছিল শুধু গেহ,
কাজল ছিল গো জল ছিল না ও উজল আঁখির-তীরে।
সে দিনো চলিতে ছলনা বাজেনি ও-চরণ মঞ্জীরে !
আমি জানি তুমি কেন চাহনাক ফিরে ॥

৩

আমি জানি তুমি কেন কহনা ক' কথা।
সে দিনো তোমার বনপথে যেতে পায়ে জড়াত না লতা।
সেদিনো বেঙ্গল তুলিয়াছ ফুল
ফুল বিধিতে গো বিধেনি আঙুল,
মালার সাথে যে হৃদও শুকায় জানিতে না সে বারতা।
জানিতে না, কাঁদে মুখের মুখের আড়ালে নিসঙ্গতা !
আমি জানি তুমি কেন কহনা ক' কথা ॥

৪

আমি জানি তব কপটতা, চতুরালি !
তুমি জানিতে না, ও কপোলে থাকে ডালিম দানার লালী !
জানিতে না ভীরু রমণীর মন
মধুকর-ভারে লতার মতন,

কেঁপে মরে কথা কঠে জড়ায়ে নিমেধ করে গো খালি ।
আঁখি যত চায় তত লজ্জায় লজ্জা পাড়ে গো গালি !
আমি জানি তব কপটতা চতুরালি !

৫

আমি জানি, ভীরু, কিসের এ বিস্ময় !
জানিতে না কভু নিজেরে হেরিয়া নিজেরি করে যে তয় ।

পুরুষ পুরুষ — শুনেছিলে নাম,
দেখেছ পাথর কর নি প্রণাম,
প্রণাম ক'রেছ লুক দু'কর চেয়েছে চরণ ছোঁয়,
জানিতে না, হিয়া পাথর পরশি' পরশ-পাথরও হয় !
আমি জানি ভীরু, কিসের এ বিস্ময় ॥

৬

কিসের তোমার শক্ষা এ, আমি জানি ।
পরাণের ক্ষুধা দেহের দু'তীরে করিতেছে কানাকানি ।
বিকচ বুকের বকুল-গন্ধ
পাপড়ি রাখিতে পারে না বন্ধ,
যত আপনারে লুকাইতে চাও তত হয় জানাজানি,
অপাঞ্জে আজ ভিড় করেছে গো লুকানো যতেক বাণী ।
কিসের তোমার শক্ষা এ, আমি জানি ॥

৭

আমি জানি, কেন বলিতে পার না খুলি' ।
গোপনে তোমায় আবেদন তার জানায়েছে বুল্বুলি ।

যে কথা শুনিতে মনে ছিল সাধ
কেমনে সে পেল তারি সংবাদ ?
সেই কথা বঁধু তেমনি করিয়া বলিল নয়ন তুলি !
কে জানিত এত যাদু-মাখা তার ও কঠিন অঙ্গুলি ।
আমি জানি কেন বলিতে পার না খুলি ॥

৮
আমি জানি তুমি কেন যে নিরাভরণা,
ব্যথার পরশে হয়েছে তোমার সকল অঙ্গ সোনা ।
মাটির দেবীরে পরায় ভূষণ,
সোনার সোনায় কিবা প্রয়োজন ?
দেহ-কুল ছাড়ি নেমেছ মনের অকুল নিরঞ্জনা ।
বেদনা আজিকে রূপেরে তোমার করিতেছে বন্দনা ।
আমি জানি তুমি কেন যে নিরাভরণা ॥

৯

আমি জানি, ওরা বুবিতে পারে না তোরে ।
নিশ্চীয়ে ঘুমালে কুমারী বালিকা, বধু জাগিয়াছে ভোরে !
ওরা সাঁতরিয়া ফিরিতেছে ফেনা,
শুক্রি যে ডোবে — বুবিতে পারে না !
মুক্তা ফলেছে — আঁখির বিনুক ডুবেছে আঁখির লোরে ।
বোৰা কত ভার হ'লে — হন্দয়ের ভরাডুবি হয়, ওরে,
অভাগিনী-নারী, বুবিবি কেমন ক'রে ॥

এ মোর অহঙ্কার

নাই বা পেলাম আমার গলায় তোমায় গলার হার,
তোমায় আমি ক্ৰব সৃজন —এ মোর অহঙ্কার !

এম্নি-চোখের দৃষ্টি দিয়া
তোমায় যারা দেখ্ন প্ৰিয়া,
তাদের কাছে তুমি তুমই ! আমার স্বপনে
তুমি নিখিল-ৱৃপের রাণী —মানস-আসনে !—

সবাই যখন তোমায় ঘিরে ক্ৰবে কলৱৰ,
আমি দূৰে ধেয়ান-লোকে রচ্ব তোমার স্তৰ !
রচ্ব সুৱধুনী-তীরে
আমার সুৱের উৰ্বশীৱে,
নিখিল-কঞ্চে দুলবে তুমি গানেৱ কঞ্চ-হার—
কবিৱ প্ৰিয়া অশৰ্মতী গভীৱ বেদনার !

যেদিন আমি থাক্ব না ক'থাকবে আমার গান,
বলবে সবাই, “কে সে কবিৱ কাঁদিয়েছিল প্ৰাণ?”
আকাশ-ভৱা হাজাৱ তাৱা
ৱহিবে চেয়ে তন্দ্রাহাৱা,
সখাৱ সাথে জাগবে রাতে, চাইবে আকাশে,
আমার গানে পড়বে মনে আমায় আভাসে !

বুকেৱ তলা ক্ৰবে ব্যথা, বলবে কাঁদিয়া,
“বন্ধু ! সে কে তোমার গানেৱ মানসী প্ৰিয়া?”
হাসবে সবাই, গাইবে গীতি,—
তুমি নয়ন-জলে তিতি’

নতুন ক'রে আমার গানে আমার কবিতায়
গহীন নিৱালাতে ব'সে খুঁজ্বে আপনায় !

রাখতে যেদিন নারবে ধৰা তোমায় ধৱিয়া,
ওৱা সবাই ভুলবে তোমায় দুদিন শ্মৰিয়া,

আমার গানেৱ অশৰ্মজলে
আমার বাণীৱ পদ্মদলে
দুলবে তুমি চিৱতনী চিৱ-নবীনা !
ৱহিবে শুধু বাণী, সেদিন ৱহিবে না বাণী !

নাই বা পেলাম কঞ্চ আমার তোমার কঞ্চহার,
তোমায় আমি ক্ৰব সৃজন এ মোৱ অহঙ্কার !

এই ত আমার চোখেৱ জলে,
আমার গানে সুৱেৱ ছলে,
কাব্যে আমার, আমার ভাষায়, আমার বেদনায়,
নিত্যকালেৱ প্ৰিয়া আমায় ডাক্ছ ইশাৱায় !...

চাইনা তোমায় স্বৰ্গে নিতে, চাই এ ধূলাতে
তোমার পায়ে স্বৰ্গ এনে ভুবন ভুলাতে !

উৰ্ধৰ্ব তোমার —তুমি দেবী,
কি হবে মোৱ সে ৱৰ্প সেবি’?
চাই না দেবীৱ দয়া, যাচি প্ৰিয়াৱ আঁখিজল,
একটু দুখে অভিমানে নয়ন টলমল !

যেমন ক'রে খেলতে তুমি কিশোৱ রয়সে—
মাটিৱ যেয়েৱ দিতে বিয়ে মনেৱ হৱষে।

বালু দিয়ে গড়তে গেহ,
জাগতে বুকে মাটিৱ মেহ,
ছিল না ত স্বৰ্গ তখন সূৰ্য তাৱা চাঁদ,
তেমনি ক'রে খেলবে আবাৱ পাত্ৰে মায়া-ফাঁদ !

মাটিৱ প্ৰদীপ জ্বালবে তুমি মাটিৱ কুটিৱে,
খুশিৱ রঙে কৱবে সোনা ধূলি-মুঠিৱে।
আধখানা চাঁদ আকাশ 'পৱে

উঠবে যবে গরব-ভৱে
তুমি বাকি-আধখানা চাঁদ হাসবে ধৰাতে,
তড়িৎ ছিড়ে পড়বে তোমার খোপায় জড়তে।

তুমি আমার বকুল যুঁথি —মাটির তারা-ফুল,
ঈদের প্রথম চাঁদ গো তোমার কানের পার্সি-দল।

কুস্মী-রাঙা শাঢ়িখানি
চেতী সাঁবো পৰ্ববে রাণী,
আকাশ গাঙে জাগবে জোয়ার রঙের রাঙা বান,
তোরণ-দ্বারে বাজ্বে করুণ বারোয়া মূলতান।

আমার-রচা গানে তোমায় সেই বেলা-শেষে
এমনি সুরে চাইবে কেহ পরদেশী এসে!
রঙিন সাজে ঐ আঙিনায়
চাইবে যারা, তাদের চাওয়ায়
আমার চাওয়া রইবে গোপন! —এ মোর অভিমান
যাচ্বে যারা তোমায় —রচি তাদের তরে গান!

নাই বা দিলে ধরা আমার ধরার আঙিনায়,
তোমায় জিনে গেলাম সুরের স্বয়ম্ভর-সভায়!
তোমার রূপে আমার ভুবন
আলোয় আলোয় হ'ল মগন!
কাজ কি জেনে—কাহার আশায় গাঁথছ ফুল-হার,
আমি তোমার গাঁথছি মালা এ মোর অহঙ্কার!

তুমি মোরে ভুলিয়াছ

তুমি মোরে ভুলিয়াছ তাই সত্য হোক!—
সেদিন যে জ্বলেছিল দীপালী-আলোক
তোমার দেউল জুড়ি —ভুল তাহা ভুল!
সেদিন ফুটিয়াছিল ভুল ক'রে ফুল
তোমার অঙ্গনে, প্রিয়! সেদিন সন্ধ্যায়
ভুঁলে পরেছিলে ফুল নোটন-খোপায়!
ভুল ক'রে তুলি' ফুল গাঁথি' বর-মালা
বেলাশেষে বারে বারে হয়েছ উতালা
হয়ত বা আর কারো লাগি'!... আমি ভুঁলে
নিরবদ্দেশ তরী মোর তব উপকূলে
না চাহিতে বেঁধেছিলু, গেয়েছিলু গান,
নীলাভ তোমার আঁখি হয়েছিল ম্লান
হয়ত বা অকারণে! গোধূলি-বেলায়
হয়ত বা অকারণে ম্লানিমা ঘনায়
তোমার ও-আঁখিতলে! হয়ত তোমার
পড়ে মনে, কবে যেন কোন্ লোকে কার
বধূ ছিলে; তারি কথা শুধু মনে পড়ে!
—ফিরে যাও অতীতে লোকলোকান্তরে
এমনি সন্ধ্যায় বসিঃ একাকিনী গেহে!
দুঁখানি আঁখির দীপ সুগভীর ল্লেহে
জ্বালাইয়া থাক জাগি' তারি পথ চাহি'!
সে যেন আসিছে দূর তারালোক বাহি'
পারাইয়া অসীমের অনন্ত জিজ্ঞাসা,
সে দেখেছে তব দীপ, ধৰণীর বাসা!

তারি লাগি' থাক বসি' নব বেশ পরি'
 শাশ্বত প্রতীক্ষমানা অনন্ত সন্দর্ভী !
 হায়, সেথা আমি কেন বাঁধিলাম তরী,
 কেন গাহিলাম গান আপনা পাসরি' ?
 হয়ত সে গান মম তোমার ব্যথায়
 বেজেছিল। হয়ত বা লেগেছিল পায়
 আমার তরীর টেউ। দিয়েছিল ধুঁয়ে
 চৱণ-অলঙ্ক তব। হয়ত বা ছুঁয়ে
 গিয়েছিল কপোলের আকুল কৃষ্ণল
 আমার বুকের শ্বাস। ও-মুখ-কমল
 উঠেছিল রাঙা হয়ে'। পদ্মের কেশের
 ছুঁইলে দখিনা বায়, কাঁপে থরথর
 যেমন কমল-দল ভঙ্গুর মৃগালে
 সলাজ সঙ্কোচে সুখে পল্লব-আড়ালে,
 তেমনি ছোওয়ায় মোর শিহরি' শিহরি'
 উঠেছিল বারে বারে সারা দেহ ভরি' !
 চেয়েছিল আঁখি তুলি', ডেকেছিলে যেন
 প্রিয় নাম ধ'রে মোর —তুমি জান, কেন !
 তরী মম ভেসেছিল যে নয়ন-জলে
 কূল ছাড়ি' নেমে এলে সেই সে অতলে ।
 বলিলে, —“অজানা বন্ধু, তুমি কি গো সেই,
 জুলা দীপ গাঁথি মালা যার আশাতেই
 কূলে বসে একাকিনী যুগ যুগ ধরি' ?
 নেমে এস বন্ধু মোর ঘাটে বাঁধ তরী !”

বিস্ময়ে রহিনু চাহি' ও-মুখের পানে
 কী যেন রহস্য তুমি —কী যেন কে জানে—
 কিছুই বুবিতে নারি ! আহ্বানে তোমার
 কেন জাগে অভিমান, জোয়ার দুর্বার

আমার আঁখির এই গঙ্গা যমুনায় !—
 নিরুদ্দেশ যাত্রী, হায়, আসিলি কোথায় ?
 একি তোর খেয়ানের সেই যাদুলোক,
 কল্পনার ইন্দ্রপুরী ? একি সেই চোখ
 ধ্রুবতারা সম যাহা জুলে নিরন্তর
 উর্ধ্বে তোর? সপ্তর্ষির অনন্ত বাসর?
 কাবোর অমরাবতী ? একি সে ইন্দিরা,
 তোরি সে কবিতা-লক্ষ্মী? —বিরহ-অধীরা
 একি সেই মহাশ্বেতা, চন্দ্রাপীড়-প্রিয়া?
 উন্নাদ ফর্হাদ যারে পাহাড় কাটিয়া
 সৃজিতে চাহিয়াছিল —একি সেই শিঁরী ?
 লায়লি এই কি সেই, আসিয়াছে ফিরি'
 কায়েসের খোঁজে পুন ? কিছু নাহি জানি !
 অসীম জিজাসা শুধু করে কানাকানি
 এপার ও-পারে, হায় !... তুমি তুলি' আঁখি
 কেবলি চাহিতেছিলে ! দিনাত্তের পাখি
 বনান্তে কাঁদিতেছিল —“কথা কও বট !”
 ফাগুন ঝুরিতেছিল ফেলি' ফুল-মউ !

কাহারে খুঁজিতেছিলে আমার এ চোখে
 অবসান-গোধূলির মলিন আলোকে ?
 জিজাসার, সন্দেহের শত আলো-ছায়া
 ও-মুখে সৃজিতেছিল কী যেন কি মায়া !
 কেবলি রহস্য হায়, রহস্য কেবল,
 পার নাই সীমা নাই অগাধ অতল !
 এ যেন স্বপনে-দেখা কবেকার মুখ,
 এ যেন কেবলি সুখ কেবলি এ দুখ !
 ইহারে দেখিতে হয়, ছোওয়া নাহি যায়,
 এ যেন মন্দার-পুষ্প দেব-অলকায় !

ইহারি স্ফুলিঙ্গ যেন হেরি রূপে রূপে,
নিশ্চিথে এ দেখা দেয় যেন চুপে চুপে
যখন সবারে ভুলি । ধরার বন্ধন
যখন ছিড়িতে চাহি, ঘর্গের স্বপন
কেবলি ভুলাতে চায়, এই সে আসিয়া
রূপে রসে গঙ্গে গানে কাঁদিয়া হাসিয়া
আঁকড়ি' ধরিতে চাহে, —মাটির মমতা !
পরান-পোড়ানী শুধু, জানে না ক' কথা !
বুকে এর ভাষা নাই, চোখে নাই জল,
নির্বাক ইঙ্গিত শুধু শান্ত অচপল !
এ বুবি গো ভাস্করের পাষাণ-মানসী
সুন্দর, কঠিন, শুভ । ভোরের উষসী,
দিনের আলোর তাপ সহিতে না জানে ।
মাঠের উদাসী সুর বাঁশরির তানে,
বাণী নাই, শুধু সুর, শুধু আকুলতা !
ভাষাহীন আবেদন দেহ-ভরা কথা !
এ যেন চেনার সাথে অচেনার মিশা,—
যত দেখি তত হায় বাঢ়ে শুধু তৃষ্ণা ।

আসিয়া বসিলে কাছে তৃণ মুক্তানন,
মনে হ'ল —আমি দীর্ঘ, তুমি পদ্মবন !
পূর্ণ হইলাম আজি, হয় হোক ভুল,
যত কঁটা তত ফুল, কোথা এর তুল ?
তোমারে ঘিরিয়া রঁবে তুমি শতদল,
পূজারীর পুস্পাঞ্জলি সম । নিশ্চিদিন
কাঁদিব ললাট হানি' তীরে তৃষ্ণাহীন !
তোমার মৃগাল-কঁটা আমার পরাণে
লুকায়ে রাখিব, যেন কেহ নাহি জানে ।

...কত কি যে কহিলাম অর্থহীন কথা,
শত যুগ-যুগান্তের অন্তহীন ব্যথা ।
শুনিলে সে সব জাপি' বসিয়া শিয়রে,
বলিলে, “বন্ধু গো, হের দীপ পুঁড়ে মরে
তিলে তিলে আমাদের সাথে ! আর নিশি
নাই বুবি, দিবা এলে দূরে যাব মিশি' !
আমি শুধু নিশ্চিথের । যখন ধরণী
নীলিমা-মঞ্জুষা খুলি' হেরে মুক্তামণি
বিচ্ছিন্ন নক্ষত্রামালা —চন্দ্রদীপ জ্বালি',
একাকী পাপিয়া কাঁদে ‘চোখ গেল’ খালি,
আমি সেই নিশ্চিথের । —আমি কই কথা,
যবে শুধু ফোটে ফুল, বিশ্ব তন্দ্রাহতা
হয় ত দিবসে এলে নারিব চিনিতে,
তোমারে করিব হেলা, তব ব্যথা-গীতে
কেবলি পাইবে হাসি সবার সুমুখে,
কাঁদিলে হাসিব আমি সরল কৌতুকে,
মুছাব না আঁখি-জল । বলিব সবায়,
“তুমি শাঙ্গনের মেঘ —যথায় তথায়
কেবলি কাঁদিয়া ফের, কাঁদাই স্বভাব !
আমি ত কেতকী নহি, আমার কি লাভ
ওই শাঙ্গনের জলে ? কদম্ব যুগীর
সখারে চাহি না আমি । শ্বেত-করবীর
সখি আমি । হেমন্তের সান্ধ্য-কুহেলিতে
দাঁড়াই দিগন্তে আসি', নিরঞ্জ-সঙ্গীতে
ভ'রে ওঠে দশ দিক ! আমি উদাসিনী ।
মুসাফির ! তোমারে ত আমি নাহি চিনি !”

ডাকিয়া উঠিল পিক দূরে আম্ববনে
মুহুর্মুহু কুহকুহু আকুল নিঃবনে ।

কাঁদিয়া কহিনু আমি, “শুন, সখি শুন,
কাতরে ডাকিছে পাখি কেন পুন পুন!
চলে যাব কোন্ দূরে, ঘৰগের পাখি
তাই বুবি কেঁদে ওঠে হেন থাকি’ থাকি’।
তোমারই কাজল আঁখি বেড়ায় উড়িয়া,
পাখি নয় —তব আঁখি ওই কোয়ালিয়া!”

হাসিয়া আমার বুকে পড়িলে লুটায়ে,
বলিলে, —“পোড়ারমুখি আন্ধৰনেছায়ে
দিবানিশি ডাকে, শুনে কান বালাপালা !
জানি না ত কুহ-স্বরে বুকে ধরে জ্বালা !
উহার স্বভাব এই, তোমার মতন
অকারণে গাহে গান, করে জ্বালাতন !
নিশি না পোহাতে বসি’ বাতায়ন-পাশে
হলুদ-চাঁপার ডালে, কেবলি বাতাসে
উহ উহ উহ করি’ বেদনা জানায় !
বুবিতে নারিনু আমি পাখিও তোমায় !”

নয়নের জল মোর গেল তলাইয়া
বুকের পাথাণ-তলে। উৎসারিত হিয়া
সহসা হারাল ধারা তপ্ত মুক-মাঝো।
আপনারে অভিশাপি ক্ষমাইন লাজে !
কহিনু, “কে তুমি নারী, এ কী তব খেলা?
অকারণে কেন মোর ডুবাইলে ভেলা,
এ অশ্রু-পাথারে একা দিলে ভাসাইয়া?
দুঃহাতে আন্দোলি’ জল কুলে দাঁড়াইয়া,
অকরুণা, হাস আর দাও করতালি !
অদূরে নৌবতে বাজে ইমন-ভূপালি
তোমার তোরণ-দ্বারে কাঁদিয়া কাঁদিয়া,
—তোমার বিবাহ বুবি? ওই বাঁশুরিয়া

ডাকিছে বন্ধুরে তব?” বুবি’ ঢেউ সনে
শুধানু পরান-পণে।... তুমি আনমনে
বারেক পশ্চাতে চাহি’ পড়িলে লুটায়ে
স্নোতজলে, সাঁতরিয়া আসি’ মম পাশে
“আমিও ডুবিব সাথে” বলিয়া তরাসে
জড়ায়ে ধরিলে মোরে বাহুর বন্ধনে !...
হইলাম অচেতন !... কিছু নাই মনে
কেমনে উঠিনু কূলে !... কবে সে কখন
জড়াইয়া ধরেছিলে মালার মতন
নিশীথে পাথার-জলে, —শুধু এইটুক
সুখ-স্মৃতি ব্যথা সম চির-জাগরুক
রহিল বুকের তলে !... আর কিছু নাই !...
তোমারে খুজিয়া ফিরি এ-কূলে বৃথাই,
হে চির-রহস্যময়ী ! ও-কূলে দাঢ়ায়ে
তেমনি হাসিছ তুমি সান্ধ্য-বনচায়ে
চাহিয়া আমার মুখে ! তোমার নয়ন
বলিছে সদাই যেন, ‘ডুবিয়া মরণ
এবার হ’ল না, সখা ! আজো যায় সাধ
বাঁচিতে ধরার ’পরে। স্বপনের চাঁদ
হয় ত বা দিবে ধরা জাহ্নত এ-লোকে,
হয়ত নামিবে তুমি অশ্রু হয়ে চোখে,
আসিবে পথিক-বন্ধু হয়ে প্রিয়তম
বুকের ব্যথায় মোর —পুষ্পে গন্ধ সম !
অঙ্গলি হইতে নামি’ তোমার পূজার
জড়াইয়া রংব বক্ষে হয়ে কষ্টহার !’

নিশীথের বুক-চেরা তব সেই স্বর,
সেই মুখ সেই চোখ করণা-কাতর

পদ্মা-তীরে-তীরে রাতে আজো খুঁজে ফিরি !
 কত নামে ডাকি তোমা,—“মহাশ্বেতা, শ্রীী,
 লায়লি, বকোলি, তাজ, দেবী, নারী, প্রিয়া !”
 —সাড়া নাহি মিলে কারো ! ফুলিয়া ফুলিয়া
 বয়ে যায় মেঘনার তরঙ্গ বিপুল,
 কখনো এ-কূল ভাঙে কখনো ও-কূল !

পার হতে নারি এই তরঙ্গের বাধা,
 ও যেন “এসো না” ব'লে পায়ে-ধ'রে-কাঁদা
 তোমার নয়ন-স্ন্যাত ! ও যেন নিষেধ,
 বিধাতার অভিশাপ, অনন্ত বিচেছেদ,
 স্বর্গ ও মর্ত্যের মাঝে যেন যবনিকা !...
 আমাদের ভাগ্যে বুঝি চিররাত্রি লিখা !...
 আমাদের ভাগ্যে বুঝি যেন চিররাত্রি লিখা !
 নিশীথের চখা-চৰী, দুইপারে থাকি’
 দুইজনে দুইজন ফিরি সদা ডাকি’!
 কোথা তুমি? তুমি কোথা? যেন মনে লাগে,
 কত যুগ দেখি নাই ! কত জন্ম আগে
 তোমারে দেখেছি কোন্ নদীকূলে গেহে,
 জ্বাল দীপ বিষাদিণী ক্লান্ত শ্রান্ত দেহে !
 বারে বারে কাঁপে কর, কাঁপে দীপশিখা,
 আঁখির নিমিখ কাঁপে, আকাশ-দীপিকা
 কাঁপে তারারাজি —যেন আঁখি-পাতা তব, —
 এইটুকু পড়ে মনে ! কবে অভিনব
 উঠিল বিকশি’ তুমি আপনার মাঝে,
 দেখি নাই ! দেখিব না —কত বিনা কাজে
 নিজেরে আড়াল করি’ রাখিছ সতত
 অপ্রকাশ সুগোপন বেদনার মত !
 আমি হেথা কূলে কূলে ফিরি আর কাঁদি,
 কুড়ায়ে পাব না কিছু? বুকে যাহা বাঁধি’

তোমার পরশ পাব —একটু সান্ত্বনা !
 চরণ-অলঙ্কাৰাঙ্গা দুৰ্টি বালুকগা,
 একটি নৃপুর, ম্লান বেণী-খসা ফুল,
 কবৰীর সেঁদা-ঘমা পরিমল-ধূল,
 আধখানি ভাঙা চুড়ি রেশ্মি কাচের,
 দলিত বিশুঙ্গ মালা নিশি-প্রভাতের,
 তব হাতে লেখা মম প্রিয় ডাক-নাম
 লিখিয়া ছিঁড়িয়া-ফেলা আধখানি খাম,
 অঙ্গের সুরভি-মাখা ত্যক্ত তপ্ত বাস,
 মহুয়ার মদ সম মদির নিঃশ্বাস
 পূরবের পরীহ্বান হ'তে ভেসে-আসা,—
 কিছুই পাব না খুঁজি’? কেবলি দুরাশা !
 কাঁদিবে পরান ঘিরি’? নিরংদেশ পানে।
 কেবলি ভাসিয়া যাব শ্রান্ত ভাটি-টানে?
 তুমি বসি’ রঁবে উর্ধ্বে মহিমা-শিখরে
 নিষ্প্রাণ পাষাণ-দেবী? কভু মোর তরে
 নামিবে না প্রিয়া রূপে ধরার ধূলায়?
 লো কৌতুকময়ী ! শুধু কৌতুক-লীলায়
 খেলিবে আমারে লয়ে? —আর সবি ভুল?
 ভুল ক'রে ফুটেছিলে আঠিনায় ফুল?
 ভুল ক'রে বলেছিলে “সুন্দর”? অমনি—
 চেকেছ দু'হাতে মুখ ত্বরিতে তখনি !
 বুঝি কেহ শুনিয়াছে, দেখিয়াছে কেহ
 ভাবিয়া আঁধার কোণে লীলায়িত দেহ
 লুকাওনি সুখে লাজে? কোন্ শাড়িখানি
 পরেছিলে বাছি’ বাছি’ সে সন্ধ্যায় রানী?

হয়ত ভুলেছ তুমি, আমি ভুলে নাই !
 যত ভাবি ভুল তাহা —তত সে জড়াই

সে ভুলে সাপিনী সম বুকে ও গলায় !
 বাসি লাগে ফুলমেলা । —ভুলের খেলায়
 এবার খোয়াব সব, করিয়াছি পণ ।
 হোক ভুল, হোক মিথ্যা, হোক এ স্বপন,
 —এইবার আপনারে শূন্য রিঙ্ক করিঃ
 দিয়া যাব মরণের আগে ! পাত্র ভরি
 ক'রে যাব সুন্দরের করে বিষপান !
 তোমারে অমর করি' করিব প্রয়াণ
 মরণের তীর্থ-যাত্রী !

ওগো বন্ধু, প্রিয়,
 এমনি করিয়া ভুল দিয়া ভুলাইও
 বারে বারে জন্মে জন্মে এহে গ্রহাঞ্চরে !
 ও-অঁখি-আলোক যেন ভুল ক'রে পড়ে
 আমার আঁখির 'পরে । গোধূলি-লগনে
 ভুল ক'রে হই বর, তুমি হও ক'নে
 ক্ষণিকের লীলা লাগি' ! ক্ষণিক চমকি'
 অশ্রুর শ্রাবণ-মেঘে হারাইও সখি!...
 তুমি মোরে ভুলিয়াছ, তাই সত্য হোক !
 নিশি-শেষে নিভে গেছে দীপালি-আলোক !

সুন্দর কঠিন তুমি পরশ-পাথর,
 তোমার পরশ লভি' হইনু সুন্দর—
 —তুমি তাহা জানিলে না !
 ...সত্য হোক প্রিয়া
 দীপালি জ্বালিয়াছিল —গিয়াছে নিভিয়া !

কলিকাতা
 ২০-৩-২৮

হিংসাতুর

হিংসাই শুধু দেখেছ এ চোখে? দেখ নাই আর কিছু?
 সম্মুখে শুধু রাহিলে তাকায়ে, চেয়ে দেখিলে না পিছু !
 সম্মুখ হতে আঘাত হানিয়া চ'লে গেল যে-পথিক
 তার আঘাতের ব্যথা বুকে ধ'রে জাগো আজো অনিমিথ?
 তুমি বুঝিলে না, হায়,
 কত অভিমানে বুকের বন্ধু ব্যথা হেনে চ'লে যায় !

আঘাত তাহার মনে আছে শুধু, মনে নাই অভিমান?
 তোমারে চাহিয়া কত নিশি জাগি' গাহিয়াছে কত গান,
 সে জেগেছে একা—তুমি ঘুমায়েছ বেঙ্গুল আপন সুখে,
 কঁটার কুঞ্জে কাঁদিয়াছে বসি' সে আপন মনোদুখে,
 কুসুম-শয়নে শুইয়া আজিকে পড়ে না সে-সব মনে,
 তুমি ত জান না, কত বিষজ্বালা কষ্টক-দংশনে !

তুমি কি বুঝিবে বালা,
 যে আঘাত করে বুকের প্রিয়ারে, তার বুকে কত জ্বালা !

ব্যথা যে দিয়াছে —সম্মুখে ভাসে নিষ্ঠুর তার কায়া,
 দেখিলে না তব পশ্চাতে তারি অশ্র-কাতর ছায়া !...
 অপরাধ শুধু মনে আছে তার, মনে নাই কিছু আর?
 মনে নাই, তুমি দলেছ দু'পায়ে কবে কার ফুলহার?

কাঁদায়ে কাঁদিয়া সে রচেছে তার অশ্রুর গড়ুখাই,
 পার হতে তুমি পারিলে না তাহা, সে-ই অপরাধী তাই?
 সে-ই ভালো, তুমি চিরসুখী হও, একা সে-ই অপরাধী !
 কি হবে জানিয়া, কেন পথে পথে মরচারী ফেরে কাঁদি' !

হয়ত তোমারে করেছে আঘাত, তবুও শুধাই আজি,
 আঘাতের পিছে আরো-কিছু কিগো ও-বুকে ওঠেনি বাজি' ?
 মনে তুমি আজ করিতে পার কি —তব অবহেলা দিয়া

কত সে কঠিন করিয়া তুলেছ তাহার কুসুম-হিয়া?
 মানুষ তাহারে করেছ পাষাণ —সেই পাষাণের ঘায়
 মূরছায়ে তুমি পড়িতেছ ব'লে সেই অপরাধী, হায়?
 তাহারি সে অপরাধ—
 যাহার আঘাতে ভাঙ্গিয়া গিয়াছে তোমার মনের বাঁধ !

কিন্তু কেন এ অভিযোগ আজি? সে ত গেছে সব খুঁলে !
 কেন তবে আর রুদ্ধ দুয়ার ঘা দিয়া দিতেছ খুঁলে?
 শুক্র যে-মালা আজিও নিরালা যত্নে রেখেছে তুলি'
 ব্যরায়ো না আর নাড়া দিয়ে তার পৰিত্ব ফুলগুলি !
 সেই অপরাধী, সেই অমানুষ, যত পার দাও গালি !
 নিভেছে যে-ব্যথা দয়া ক'রে সেথা আগুন দিও না জুলি' !

“মানুষ”, “মানুষ” শু'নে শু'নে নিতি কান হ'ল ঝালাপালা !
 তোমরা তারেই অমানুষ বল —পায়ে দল যার মালা !
 তারি অপরাধ —যে তার প্রেম ও অশ্রু অপমানে
 আঘাত করিয়া টুটায়ে পাষাণ অশ্রু-নিরার আনে !
 কবি অমানুষ—মানিলাম সব ! তোমার দুয়ার ধরি'
 কবি না মানুষ কেঁদেছিল প্রিয় সেদিন নিশীথ ভারি'?
 দেখেছ ঈর্ষা —পড়ে নাই চোখে সাগরের এত জল ?
 শুকালে সাগরল —দেখিতেছ তার সাহারার মরণতল !
 হয়ত কবিই গেয়েছিল গান, সে কি শুধু কথা-সুর?
 কঁদিয়াছিল যে —তোমারি মত সে মানুষ বেদনাতুর !

কবির কবিতা সে শুধু খেয়াল? তুমি বুবিবে না, রানী,
 কত জুলা দিলে উনুনের জলে ফোটে বুদ্বুদ-বাণী !

তুমি কি বুবিবে, কত ক্ষত হ'য়ে বেগুর বুকের হাড়ে
 সুর ওঠে হায়, কত ব্যথা কাঁদে সুর-বাঁধা বীণা-তারে !

সেদিন কবিই কেঁদেছিল শুধু? মানুষ কাঁদে নি সাথে?
 হিংসাই শুধু দেখেছ, দেখ নি অশ্রু নয়ন-পাতে?
 আজো সে ফিরিছে হাসিয়া গাহিয়া?—হায়, তুমি বুবিবে না,
 হাসির ফুর্তি উড়ায় যে —তার অশ্রু কত দেনা !

বর্ষা-বিদায়

ওগো বাদলের পরী !

যাবে কোন্ দূরে, ঘাটে বাঁধা তব কেতকী পাতার তরী !
ওগো ও ক্ষণিকা, পুব-অভিসার ফুরাল কি আজি তব?
পহিল ভাদরে পড়িয়াছে মনে কোন্ দেশ অভিনব?

তোমার কপোল-পরশ না পেয়ে পাঞ্চুর কেয়া-রেণু,
তোমারে অরিয়া ভাদরের ভরা নদীতটে কাঁদে বেণু।
কুমারীর ভীরু বেদনা-বিধুর প্রণয়-অঞ্চল সম
বারিছে শিশির-সিঙ্গ শেফালি নিশি-ভোরে অনুপম।

ওগো ও কাজল-মেয়ে,
উদাস আকাশ ছলচল চোখে তব মুখে আছে চেয়ে।
কাশফুল সম শুভ ধ্বনি রাশ রাশ খেত মেঘে
তোমার তরীর উড়িতেছে পাল উদাস বাতাস লেগে।
ওগো ও জলের দেশের কন্যা ! তব ও বিদায়-পথে
কাননে কাননে কদম-কেশের বারিছে প্রভাত হঁতে।
তোমার আদরে মুকুলিতা হয়ে উঠিল যে বলুরী
তরুর কষ্ট জড়াইয়া তা'রা কাঁদে দিবানিশি ভরি'।

‘বৌ-কথা-কণ’ পাখি

উড়ে গেছে কোথা, বাতায়নে বৃথা বউ করে ডাকাডাকি।
চাঁপার গেলাস গিয়াছে ভাঙিয়া, পিয়াসী মধুপ এসে'
কাঁদিয়া কখন্ গিয়াছে উড়িয়া কমল-কুমুদী-দেশে।
তুমি চলে যাবে দূরে,
ভাদরের নদী দুকুল ছাপায়ে কাঁদে ছলচল সুরে!

যাবে যবে দূর হিম-গিরি-শিরে, ওগো বাদলের পরী,
ব্যথা কঁরে বুক উঠিবে না কভু সেথা কাহারেও অরি'?

সেথা নাই জল, কঠিন তুষার, নির্মম শুভ্রতা,—
কে জানে কী ভাল বিধুর ব্যথা —না মধুর পবিত্রতা !
সেথা মহিমার উর্ধ্ব শিখরে নাই তরলতা হাসি,
সেথা রজনীর রজনীগন্ধা প্রভাতে হয় না বাসি।
সেথা যাও তব মুখর পায়ের বরষা-নৃপুর খুলি',
চলিতে চকিতে চমকি' উঠে না, কবরী উঠে না দুলি'।

সেথা রঁবে তুমি ধেয়ান-মঘা তাপসিনী অচপল,
তোমার আশায় কাঁদিবে ধরায় তেমনি “ফটিক-জল” !

সাজিয়াছি বর মৃত্যুর উৎসবে

দেখা দিলে রাঙা মৃত্যুর রূপে এতদিনে কি গো রানী?
মিলন-গোধূলি-লগনে শুনালে চির-বিদায়ের বাণী।
যে ধূলিতে ফুল ঝরায় পৰন
রচিলে সেথায় বাসর-শয়ন,
বারেক কপোলে রাখিয়া কপোল, ললাটে কাঁকন হানি',
দিলে মোর 'পরে সকরণ করে কৃষ্ণ কাফন টানি'।
নিশি না পোহাতে জাগায়ে বলিলে, 'ইল যে বিদায় বেলা।'
তব ইঙ্গিতে ও-পার হইতে এপারে আসিল ভেলা।

আপনি সাজালে বিদায়ের বেশে
আঁশি-জল মম মুছাইলে হেসে,
বলিলে, 'অনেক হইয়াছে দেরী, আর জমিবে না খেলা!
সকলের বুকে পেয়েছ আদর, আমি দিনু অবহেলা!'

'চোখ গেল উহু চোখ গেল' ব'লে কাঁদিয়া উঠিল পাথি,
হাসিয়া বলিলে, 'বন্ধু, সত্যি চোখ গেল ওর না কি?
অকূল অঞ্চ-সাগর-বেলায়
শুধু বালু নিয়ে যে-জন খেলায়,
কি বলিব তারে, বিদায়-খনেও ভিজিল না যার আঁশি!
শ্বিসিয়া উঠিল নিশীথ-সমীর, 'চোখ গেল' কাঁদে পাথি!
দেখিনু চাহিয়া ও-মুখের —পানে নিরঞ্জ নিষ্ঠুর!
বুকে চেপে কাঁদি, প্রিয় ওগো প্রিয়, কোথা তুমি কত দূর?
এত কাছে তুমি গলা জড়াইয়া
কেন হৃহ ক'রে ওঠে তবু হিয়া,
কী যেন কী নাই কিসের অভাব এ বুকে ব্যথা-বিধুর!
চোখ-ভরা জল, বুক-ভরা কথা, কঢ়ে আসে না সুর।

হেনার মতন বক্ষে পিষিয়া করিনু তোমারে লাল,
চলিয়া পড়িলে দলিত কমল জড়ায়ে বাহ-মৃণাল!
কেঁদে বলি, 'প্রিয়া, চোখে কই জল?

হ'ল না ত ম্লান চোখের কাজল !'
চোখে জল নাই — উঠিল রঞ্জ—সুন্দর কঙ্কাল !
বলিলে, 'বন্ধু, চোখেরই ত জল, সে কি রহে চিরকাল ?'

ছল ছল ছল কেঁদে চলে জল, ভাঁটি-টানে ছুটে তরী,
সাপিনীর মত জড়াইয়া ধরে শশীহীন শব্দী।
কুলে কুলে ডাকে কে যেন, 'পথিক,
আজও রাঙা হয়ে ওঠে নি ত দিক !
অভিমানী মোর ! এখনি ছিঁড়িবে বাঁধন কেমন করিব ?
চোখে নাই জল — বক্ষের মোর ব্যথা ত যায় নি মরিব !'

কেমনে বুঝাই কী যে আমি চাই, চির-জনমের প্রিয়া !
কেমনে বুঝাই — এত হাসি গাই তবু কাঁদে কেন হিয়া !
আছ তব বুকে করণার ঠাঁই,
স্বর্গের দেবী-চোখে জল নাই !

কত জীবনের অভিশাপ এ যে, কতবার জনমিয়া —
পারিজাত-মালা ছুইতে শুকালে — হারাইলে দেখা দিয়া।

ব্যর্থ মোদের গোধূলি-লগন এই সে জনমে নহে,
বাসর-শয়নে হারায়ে তোমায় পেয়েছি চির-বিরহে !
কত সে লোকের কত নদনদী
পারায়ে চলেছি মোরা নিরবধি,
মোদের মাঝারে শত জনমের শত সে জলধি বহে।
বারে বারে ডুবি বারে-বারে উঠি জন্ম-মৃত্যু-দহে !

বারে বারে মোর পাষাণ হইয়া আপনারে থাকি ভুলি',
ক্ষণেকের তরে আসে কবে বাড়, বন্ধন যায় খুলি'।

সহসা সে কোন সন্ধ্যায়, রানী,
চকিতে হয় গো চির-জানাজানি !
মনে পড়ে যায় অভিশাপ-বাণী, উঁড়ে যায় বুল্বুলি।

কেঁদে কও, ‘প্রিয়, হেথা নয়, হেথা লাগিয়াছে বহু ধূলি।’

মুছি' পথধূলি বুকে ল'বে তুলি' মরণের পারে কবে,
সেই আশে, প্রিয়, সাজিয়াছি বর মৃত্যুর উৎসবে!
কে জানিত হায় মরণের মাঝে
এমন বিয়ের নহবত্ বাজে!
নব জীবনের বাসর-দুয়ারে কবে ‘প্রিয়া’ ‘বধু’ হবে—
সেই সুখে, প্রিয়া, সাজিয়াছি বর মৃত্যুর উৎসবে!

অপরাধ শুধু মনে থাক

মোর

অপরাধ শুধু মনে থাক!
আমি হাসি, তার আগুনে আমারি
অষ্টর হোক পুড়ে থাক!
অপরাধ শুধু মনে থাক!

নিশ্চিথের মোর অঞ্চল রেখা
প্রভাতে কপোলে যদি যায় দেখা,
তুমি পড়িও না সে গোপন লেখা,
গোপনে সে লেখা মুছে যাক!
অপরাধ শুধু মনে থাক!

এ উপগ্রহ কলঙ্ক-ভরা
তবু ঘূরে ঘিরি' তোমারি এ ধরা,
লইয়া আপন দুখের পসরা
আপনি সে থাক ঘূরপাক।
অপরাধ শুধু মনে থাক!

জ্যোৎস্না তাহার তোমার ধরায়
যদি গো এতই বেদনা জাগায়,
তোমার বনের লতায় পাতায়
কালো মেঘে তার আলো ছাঁক।
অপরাধ শুধু মনে থাক!

তোমার পাখির ভুলাইতে গান
আমি ত আসি নি, হানি নি ত বাণ,
আমি ত চাহি নি, কোনো প্রতিদিন,

এসে চলে গোছি নিরবাক।
অপরাধ শুধু মনে থাক!

কত তারা কাঁদে কত এহে চেয়ে
চুটে দিশাহারা ব্যোমপথ বেয়ে,
তেমনি একাকী চলি গান গেয়ে

তোমারে দিই নি পিছু-ডাক।
অপরাধ শুধু মনে থাক!

কত বারে ফুল, কত খসে তারা,
কত সে পাষাণে শুকায় ফোয়ারা,
কত নদী হয় আধ-পথে হারা,
তেমনি এ স্মৃতি লোপ পাঁক।
অপরাধ শুধু মনে থাক!

আঠিনায় তুমি ফুটেছিলে ফুল
এ দূর পবন করেছিল ভুল,
শ্বাস ফেলে চলে যাবে সে আকুল—
তব শাখে পাখি গান গাঁক।
অপরাধ শুধু মনে থাক!

প্রিয় মোর প্রিয়, মোরই অপরাধ,
কেন জেগেছিল এত আশা সাধ!
যত ভালোবাসা, তত পরমাদ,
কেন ছুইলাম ফুল-শাখা।
অপরাধ শুধু মনে থাক!

আলোয়ার মত নিভি, পুন জুলি,
তুমি এসেছিলে শুধু কতৃহলী,
আলোয়াও কাঁদে কারো পিছে চলি—
এ কাহিনী নব মুছে যাক।
অপরাধ শুধু মনে থাক!

আড়াল

আমি কি আড়াল করিয়া রেখেছি তব বন্ধু'র মুখ?
না জানিয়া আমি না জানি কতই দিয়াছি তোমায় দুখ।

তোমার কাননে দখিনা পবন

এনেছিল ফুল পূজা-আয়োজন,

আমি এনু বড় বিধাতার ভুল —ভঙ্গুল করি' সব,
আমার অঞ্চ-মেঘে ভেসে গেল তব ফুল-উৎসব।

মম উৎপাতে ছিঁড়েছে কি প্রিয়, বক্ষের মণিহার?
আমি কি এসেছি তব মন্দিরে দস্যু ভাঙিয়া দ্বার?

আমি কি তোমার দেবতা —পূজার

ছড়ায়ে ফেলেছি ফুল-সম্ভার?

আমি কি তোমার স্বর্গে এসেছি মর্ত্যের অভিশাপ?
আমি কি তোমার চন্দ্রের বুকে কালো কলঙ্ক-ছাপ?

ভুল ক'রে যদি এসে থাকি বাড়, ছিঁড়িয়া থাকি মুকুল,
আমার বরষা ফুটায়েছে তার অনেক অধিক ফুল!

পরায়ে কাজল ঘন বেদনার

ভাগর করেছি নয়ন তোমার,

কুলের আশায় ভাঙিয়া করেছি সাত সাগরের রানী,
সে দিয়াছে মালা, আমি সাজায়েছি নিখিল সুষমা ছানি'।

দস্যুর মত হয়ত খুলেছি লাজ-অবগুঠন,
তব তরে আমি দস্যু, করেছি ত্রিভুবন লুঠন!

তুমি ত জান না, নিখিল বিশ

কার প্রিয়া লাগি' আজিকে নিঃস্ব?

কার বনে ফুল ফোটাবার লাগি' ঢালিয়াছি এত নীর,
কার রাঙা পায়ে সাগর বাঁধিয়া করিয়াছি মঞ্জীর।

তুমি না চাহিতে আসিয়াছি আমি —সত্য কি এইটুক?
ফুল ফোটা-শেষে বারিবার লাগি' ছিলে না কি উৎসুক?

নির্ম-প্রিয়-নিষ্ঠুর হাতে

মরিতে চাহ নি আঘাতে আঘাতে?

তুমি কি চাহ নি মিলনের মাবে নিবিড় পীড়ন-জ্বালা?

তুমি কি চাহ নি কেহ এসে তব ছিঁড়ে দেয় গাঁথা-মালা?

পাষণের মত চাপিয়া থাকি নি তোমার উৎস-মুখে,

আমি শুধু এসে মুক্তি দিয়াছি আঘাত হানিয়া বুকে!

তোমার স্নোতেরে মুক্তি দানিয়া

স্নোতমুখে আমি গেলাম ভাসিয়া।

রহিবার যে —সে রয়ে গেল কূলে, সে রচুক সেথা নীড়!

মম অপরাধে তব স্নোত হ'ল পুণ্য তীর্থ-নীর!

রূপের দেশের স্বপন-কুমার স্বপনে আসিয়াছিনু,

বন্দিনী ! মম সোনার ছোঁয়ায় তব ঘূম ভাঙাইনু।

দেখ মোরে পাছে ঘূম ভঙ্গিয়াই,

ঘূম না টুটিতে তাই চ'লে যাই,

যে আসিল তব জাগরণ-শেষে মালা দাও তারি গলে,

সে থাকুক তব বক্ষে —রহিব আমি অন্তর-তলে।

সন্ধ্যা-প্রদীপ জ্বালায়ে যখন দাঁড়াবে আঞ্জিনা-মাবে,

শুনিও কোথায় কোন্ তারা-লোকে কার ক্রন্দন বাজে !

আমার তারার মলিন আলোকে

মান হয়ে যাবে দীপশিখা চোখে,

হয়ত অদূরে গাহিবে পথিক আমারি রচিত গীতি—

যে গান গাহিয়া অভিমান তব ভাঙ্গাতাম সঁরে নিতি।

গোধূলি-বেলায় ফুটিবে উঠানে সন্ধ্যা-মণির ফুল,

তুলসী-তলায় করিতে প্রণাম খুঁলে যাবে বাঁধা চুল।

কুষ্টল-মেঘ-ফাঁকে অবিরল

অকারণে চোখে বারিবে গো জল,

সারা শবরী বাতায়নে বসি নয়ন-প্রদীপ জ্বালি'

খুঁজিবে আকাশে কোন্ তারা কাঁপে তোমারে চাহিয়া খালি।

নিষ্ঠুর আমি —আমি অভিশাপ, ভুলিতে দিব না, তাই
নিঃশ্বাস মম তোমারে ঘিরিয়া শ্বসিবে সর্বদাই।

তোমারে চাহিয়া রচিনু যে গান

কঢ়ে কঢ়ে লভিবে তা থাণ,

আমার কর্ত হইবে নীরব, নিখিল-কর্ত-মাবে

শুনিবে আমারি সেই ক্রন্দন সে গান প্রভাতে সঁরে !

নদীপারের মেয়ে

নদীপারের মেয়ে !

ভাসাই আমার গানের কমল তোমার পানে চেয়ে ।
আল্তা-রাঙা পা দু'খানি ছুপিয়ে নদী-জলে
ঘাটে বসে চেয়ে আছ আঁধার অঙ্গাচলে ।
নিরবেশে ভসিয়ে-দেওয়া আমার কমলখানি
ছোঁয় কি গিয়ে নিত্য সাঁবো তোমার চরণ, রানী ?

নদীপারের মেয়ে !

গানের গাড়ে খুঁজি তোমায় সুরের তরী বেয়ে ।
খোঁপায় গুঁজে কনক-চাঁপা, গলায় টগর-মালা,
হেনার গুছি-হাতে বেড়াও নদীকূলে বালা ।
শুন্তে কি পাও আমার তরীর তোমায়-চাওয়া গীতি?
মান হয়ে কি যায় ও-চোখে চতুর্দশীর তিথি?

নদীপারের মেয়ে !

আমার ব্যথার মালঞ্চে ফুল ফোটে তোমায়-চেয়ে ।
শীতল নীরে নেয়ে ভোরে ফুলের সাজি হাতে,
রাঙা উষার রাঙা সতীন দাঁড়াও আঙিনাতে ।
তোমার মদির শ্বাসে কি মোর গুলের সুবাস মেশে ?
আমার বনের কুসুম তুলি' পর কি আর কেশে ?

নদীপারের মেয়ে !

আমার কমল অভিমানের কাঁটায় আছে ছেয়ে ।
তোমার সখায় পূজ কি মোর গানের কমল তুলি' ?
তুলতে সে-ফুল মৃগাল-কাঁটায় বেঁধে কি অঙ্গুলি ?
ফুলের বুকে দোলে কাঁটার অভিমানের মালা,
আমার কাঁটার ঘায়ে বোৰা আমার বুকের জালা ?

১৪০০ সাল

[কবি-সমাট রবীন্দ্রনাথের “আজি হ'তে শতবর্ষ পরে” পড়িয়া]

আজি হ'তে শত বর্ষ আগে

কে কবি, স্মরণ তুমি করেছিলে আমাদের
শত অনুরাগে,
আজি হ'তে শত বর্ষ আগে !

ধেয়ানী গো, রহস্য-দুলাল !

উত্তারি' ঘোমটাখানি তোমার আঁখির আগে

কবে এলো সুদূর আড়াল ?

অনাগত আমাদের দখিন-দুয়ারী
বাতায়ন খুলি' তুমি, হে গোপন হে স্বপন-চারী,
এসেছিলে বসন্তের গন্ধবহ-সাথে,
শত বর্ষ পরে যথা তোমার কবিতাখানি
পড়িতেছি রাতে !

নেহারিলে বেদনা-উজ্জ্বল আঁখি-নীরে,
আন্মনা প্রজাপতি নীরের পাখায়
উদসীন, গেলে ধীরে ফিরে !

আজি মোরা শত বর্ষ পরে
যৌবন-বেদনা-রাঙা তোমার কবিতাখানি
পড়িতেছি অনুরাগ-ভরে ।

জড়িত জাগর ঘুমে শিথিল শয়নে
শুনিতেছে প্রিয়া মোর তোমার ইঞ্জিত-গান
সজল নয়নে !

আজো হায়

বারে বারে খুলে যায়

দক্ষিণের রংদ্ব বাতায়ন,
গুমারি' গুমারি' কাঁদে উচাটন বসন্ত-পৰন
মনে মনে বনে বনে পল্লব-মর্মরে,

কবরীর অশ্রজল বেণী-খসা ফুল-দল
পড়ে ঝ'রে ঝ'রে !

ঝিরিখিরি কাঁপে কালো নয়ন-পল্লব,
মধুপের মুখ হ'তে কাড়িয়া মধুপী পিয়ে পরাগ-আসব !
কপোতের চপ্পপুটে কপোতীর হারায় কূজন,
পরিয়াছে বনবধূ ঘোবন-আরতিম কিংশুক-বসন !
রহিয়া রহিয়া আজো ধরণীর হিয়া
সমীর-উচ্ছাসে যেন ওঠে নিঃশ্বসিয়া !

তোমা হ'তে শত বর্ষ পরে—
তোমার কবিতাখানি পড়িতেছি, হে রবীন্দ্র,
অনুরাগ-ভরে !
আজি এই মদালসা ফাণুন-নিশ্চীথে
তোমার ইঙ্গিত জেগে তোমার সঙ্গীতে !
চতুরালি, ধরিয়াছি তোমার চাতুরী !
করিঁ চুরি
আসিয়াছ আমাদের দুরস্ত ঘোবনে,
কাব্য হ'য়ে, গান হ'য়ে, সিঙ্কর্ষে রঙিলা স্বপনে ।
আজিকার যত ফুল—বিহঙ্গের যত গান
যত রঙ-রাগ
তব অনুরাগ হ'তে, হে চির-বিশোর কবি,
আনিয়াছে ভাগ !

আজি নব-বসন্তের প্রভাত-বেলায়
গান হ'য়ে মাতিয়াছ আমাদের ঘোবন-মেলায় !
আনন্দ-দুলাল ওগো হে চির অমর !
তরঞ্চ তরঞ্চি মোরা জাগিতেছি আজি তব
মাধবী বাসর !

যত গান গাহিয়াছ ফুল-ফোটা রাতে—
সবঙ্গলি তার
একবার—তা' পর আবার
প্রিয়া গাহে, আমি গাহি, আমি গাহি প্রিয়া গাহে সাথে !
গান-শেষে অর্ধরাতে স্বপনেতে শুনি
কাঁদে প্রিয়া, “ওগো কবি ওগো বন্ধু ওগো মোর গুণী—”
স্বপ্ন যায় থামি’,
দেখি বন্ধু, আসিয়াছ প্রিয়ার নয়ন-পাতে
অশ্রু হ'য়ে নামি’ !

মনে লাগে, শত বর্ষ আগে
তুমি জাগো—তব সাথে আরো কেহ জাগে
দূরে কোন্ খিলিমিলি-তলে
লুলিত অঞ্চলে ।
তোমার ইঙ্গিতখানি সঙ্গীতের করুণ পাখায়
উড়ে যেতে যেতে সেই বাতায়নে ক্ষণিক তাকায়,
ছুঁয়ে যায় আঁখি-জল-রেখা,
নুঁয়ে যায় অলক-কৃসুম,
তারপর যায় হারাইয়া,—তুমি একা বসিয়া নিখুঁত !
সে কাহার আঁখিনীর-শিশির লাগিয়া
মুকুলিকা বাণী তব কোনটি বা ওঠে মঞ্জুরিয়া,
কোনটি বা তখনো গুঞ্জি’ ফেরে মনে
গোপনে স্বপনে !

সহসা খুলিয়া গেল দ্বার,
আজিকার বসন্ত-প্রভাতখানি দাঁড়াল করিয়া নমস্কার !
শতবর্ষ আগেকার তোমারি সে বাসন্তিকা দৃতি
আজি নব নবীনেরে জানায় আকৃতি !...
হে কবি-শাহান-শাহ ! তোমারে দেখিনি মোরা,

সৃজিয়াছ যে তাজমহল—

শ্বেতচন্দনের ফোঁটা কালের কপালে ঝলমল—
বিস্ময়ে-বিমুক্তি মোরা তাই শুধু হেরি,
যৌবনের অভিশাপ—“কেন তুই শতবর্ষ করিলি রে দেরী?”
হায়, মোরা আজ
মোম্তাজে দেখি নি, শুধু দেখিতেছি তাজ!

শত বর্ষ পরে আজি, হে কবি-স্মাট !
এসেছে নৃতন কবি—করিতেছে তব নান্দীপাঠ !
উদয়ান্ত জুড়ি’ আজো তব
কত না বন্দনা-ঝক ধনিয়া উঠিছে নব নব।
তোমারি সে হারা-সুরখানি
নববেণু-কুঞ্জ-ছায়ে বিকশিয়া তোলে নব বাণী।

আজি তব বরে
শত বেণু-বীণা বাজে আমাদের ঘরে।
তবুও পুরে না হিয়া ভরে না ক’ থাণ,
শতবর্ষ সাঁতরিয়া ভেসে আসে স্বপ্নে তব গান।
মনে হয়, কবি,
আজো আছে অস্তপাট আলো করি’
আমাদেরি রবি !

আজি হ’তে শত বর্ষ আগে
যে-অভিবাদন তুমি ক’রেছিলে নবীনেরে
রাঙা অনুরাগে,
সে-অভিবাদনখানি আজি ফিরে চলে
প্রণামী-কমল হ’য়ে তব পদতলে !
মনে হয়, আসিয়াছ অপূর্ণের রূপে
ওগো পূর্ণ, আমাদেরি মাঝে চুপে চুপে !
আজি এই অপূর্ণের কম্প কর্তৃতরে
তোমারি বসন্তগান গাহি তব বসন্ত-বাসরে—
তোমা হ’তে শত বর্ষ পরে !

চক্ৰবাক

এপার ওপার জুড়িয়া অন্ধকার
মধ্য অকূল রহস্য-পারাবার,
তারি এই কূলে নিশি নিশি কাঁদে জাগি’
চক্ৰবাক সে চক্ৰবাকীৱ লাগি’।

ভুঁলে যাওয়া কোন্ জন্মাত্তর পারে
কোন্ সুখ-দিনে এই সে নদীৰ ধারে
পেয়েছিল তা’ৰে সারা দিবসেৰ সাথী,
তারপৰ এলো বিৱেহেৰ চিৰ-ৱাতি,—
আজিও তাহাৰ বুকেৰ ব্যথাৰ কাছে,
সেই সে সৃতিৰ পালক পড়িয়া আছে!

কেটে গেল দিন, রাত্ৰি কাটে না আৱ,
দেখা নাহি যায় অতি দূৰ ঐ পার।
এপারে ওপারে জন্ম জন্ম বাধা,
অকূলে চাহিয়া কাঁদিছে কূলেৰ রাধা।
এই বিৱেহেৰ বিপুল শূন্য ভৱি’
কাঁদিছে বাঁশিৰ সুরেৰ ছলনা কৰি’।
আমৱা শুনাই সেই বাঁশিৰ সুৱ,
কাঁদি—সাথে কাঁদে নিখিল ব্যথা-বিধুৱ।

কত তেৱ নদী সাত সমুদ্ৰ পার
কোন্ লোকে কোন্ দেশে গ্ৰহ-তাৱকার
সুজন-দিনেৰ প্ৰিয়া কাঁদে বন্দিনী,
দশদিশি ঘিৱি’ নিষেধেৰ নিশীথিনী।

এ পারে বৃথাই বিস্মৰণেৰ কূলে
খোঁজে সাথী তাৱ, কেবলি সে পথ ভুলে।
কত পায় বুকে কত সে হারায় ত্ৰু—
পায় নি যাহাৱে ভোলে নি তাহাৱে কভু।

তাহাৱি লাগিয়া শত সুৱে শত গানে

কাব্যে, কথায়, চিত্ৰে জড় পাষাণে,
লিখিছে তাহাৱ অমৱ অঞ্চ-লেখা।
নিৰঞ্জ মেঘ বাদলে ডাকিছে কেকা !
আমাদেৱ পটে তাহাৱি প্ৰতিচ্ছবি,
সে গান শুনাই—আমৱা শিল্পী কবি।

এই বেদনাৰ নিশীথ-তমসা-তীৱে
বিৱাহী চক্ৰবাক খুঁজে খুঁজে ফিৰে
কোথা প্ৰভাতেৰ সূর্যোদয়েৰ সাথে
ডাকে সাথী তাৱ মিলনেৰ মোহনাতে।

আমৱা শিশিৱ, আমাদেৱ আঁধি-জলে
সেই সে আশাৱ রাঙা রামধনু বালে।

କୁହେଲିକା

ତୋମରା ଆମାୟ ଦେଖିତେ କି ପାଓ ଆମାର ଗାନେର ନଦୀ-ପାରେ?
ନିତ୍ୟ କଥାର କୁହେଲିକାୟ ଆଡ଼ାଳ କରି ଆପନାରେ ।
ସବାଇ ସଖନ ମନ୍ତ୍ର ହେଥାୟ ପାନ କରେ ମୋର ସୁରେର ସୁରା,
ସବ-ଚେଯେ ମୋର ଆପନ ଯେ ଜନ ସେ-ଇ କାଂଦେ ଗୋ ତୃଷ୍ଣାତୁରା ।
ଆମାର ବାଦଳ-ମେଘର ଜଳେ ଭରଳ ନଦୀ ସଞ୍ଚ ପାଥାର,
ଫଟିକ-ଜଳେର କଷ୍ଟେ କାଂଦେ ତୃଷ୍ଣି-ହାରା ସେଇ ହାହାକାର !
ହାୟ ରେ, ଚାଂଦେର ଜ୍ୟୋତ୍ସ୍ନା-ଧାରାୟ ତନ୍ଦ୍ରାହାରା ବିଶ୍ୱ-ନିଖିଳ,
କଳଙ୍କ ତାର ନେଯ ନା ଗୋ କେଉ, ରହିଲ ଜୁଂଡେ ଚାଂଦେରି ଦିଲ୍ !

